

非賣品

集成良方三百種

中

歡迎翻印

天大活絡丹

治一切中風癱瘓痿痺痰厥拘攣疼痛癱疽流注跌撲損傷小兒陽癇婦人停經及頑疾惡風熱毒瘀血入於經絡非此方不能透達凡治肢體大症必備之藥也。

白花蛇

貳兩
黃酒浸

烏梢蛇

貳兩
黃酒浸

威靈仙

貳兩
黃酒浸

兩頭尖

貳兩
黃酒浸

草烏

貳兩

煨天麻

貳兩

全蝎

貳兩
去毒鉤

龜板

貳兩
炙

何首烏

貳兩
黑豆水浸

烏藥

貳兩

麻黃

貳兩

貫仲

貳兩

炙甘草

貳兩

羌活

貳兩

官桂

貳兩

藿香 貳兩

黃連 貳兩

熟地 貳兩

蒸大黃 貳兩

木香 貳兩

沉香 貳兩

細辛 壹兩

赤芍 壹兩

沒藥 壹兩
去油另研

丁香 壹兩

僵蠶 壹兩

乳香 壹兩
去油另研

天南星 壹兩
薑製

青皮 壹兩

骨碎補 壹兩

白蔻仁 壹兩

安息香 壹兩
酒熬

黑附子 壹兩
製

黃芩 壹兩
蒸

茯苓 壹兩

香附 壹兩
酒浸焙

元參 壹兩

白朮 壹兩

防風 貳兩半

葛根 壹兩半

當歸 壹兩半

虎脰骨 壹兩半
炙

血竭 柒錢
另研

地龍 伍錢
炙

犀角 伍錢

麝香

伍錢
另研

松脂

伍錢

牛黃

壹錢半
另研

片腦

壹錢半
另研

人參

叁兩

右藥共五十味。為末。蜜丸。如桂圓核大。金箔為衣。燈紗紙包。臘皮封固。每服壹丸。陳黃酒送下。老年人每逢節氣前一日。服一丸。可免中風。偏枯等症。

〔元〕真中風類中風辨治

〔甲〕一特卒倒。口吐痰涎。發狂號叫。或睛突不語。手足亂舞。痰色黃結成塊。大小便閉。目不識人。身中發斑。數日後變成瘡癩者。此乃真中風證也。

蓋其人元氣不虛。一時為風邪所中。正氣既盛。而邪氣又不弱。正邪相戰。兩不認負。於是疾延生。狂叫起。心中如焚。坐立不安。內熱既盛。由內外發。故紅斑現於皮膚。火毒難消於肌肉。因變為癩癩矣。治法不必助正。而惟卻邪即安。方用

劉寄奴錢 防風 叁錢 半夏 叁錢 陳皮 壹錢

茯苓 叁錢 黃芩 貳錢 蘇葉 壹錢 天花粉 壹錢半

右藥水煎服。三劑全瘳。

此等真中風極少。萬人中未必一見。患者用此排風飲。亦殊效。

大黃

參錢
酒蒸

丹皮伍錢

甘草壹錢

防風壹錢

天麻

壹錢

玄參壹兩

柴胡

參錢

黃芩

參錢

蘇葉

參錢

荆芥貳錢

當歸參錢

天南星

壹錢

右藥水煎服。或用瓜蒂散探吐之，亦效。

瓜蒂

柒個

或皂角壹個

右煎水。灌下喉。然後探吐。連續行之。不拘次數。

痰吐盡。病即瘳。以上三方。治真中風皆效。

(乙) 一時卒倒。眼閉不能言語。氣息如無。或喉間微

有水鷄之聲。此證類似中風。實非中風。乃氣虛

而痰邪中之也。

丙) 自卧跌墜床下。不知人事。乃氣虛而痰邪中之。
丁) 忽然尸厥。氣息皆無。狀若死尸。而脈尚動者。亦屬氣虛而痰邪中之也。惟在白晝中者。屬陽邪。昏夜中者。屬陰邪。

以上類中風三證。總屬氣虛。倘非尿遺手撒。皆能起而生之。方用三生飲。

人參壹兩

天南星

叁錢

生半夏

叁錢

生附子

壹箇

水煎急灌之。

此證或用卻狂至神丹亦效。

人參壹兩

白朮

壹兩

半夏

叁錢

天南星

叁錢

附子壹錢

水煎服

以上類中三證。純是氣虛。氣虛之人。未有不生疾者。疾重則卒中。卒倒有由來也。若徒治其疾而不補其氣。即所以殺之也。三生飲妙在用人參壹兩。同生附。半夏。南星。等卻邪蕩滌之藥。駕馭而攻之。必能起死回生。

方中用人參壹兩。始有力量。若少用。反為疾邪所使。安能助附子蕩邪。

忽然卒倒。不知人口中痰聲作響。此非中風。乃氣虛也。若作風治。未有不死者。蓋因平日不慎。女色精虧。氣衰之所致也。方用培氣湯。

人參壹兩
白芥子壹錢
黃芪壹兩
白朮壹兩

茯神伍錢

石菖蒲貳錢

附子壹錢

半夏貳錢

右藥水煎服。此方補氣而不治風。消痰而不耗氣。反有生理。一劑神定。二劑痰清。三劑全瘳。

(已)一時卒倒。狀似中風。自汗不止。懶於言語。此亦氣虛也。夫卒倒已似中風。更加自汗。此虛極之證。乃亡陽而非中於風也。亡陽之證。必須參附以回陽。始有生機。倘以為中風。而用風藥。有立亡而已矣。方用參芪歸附湯救之。

人參壹兩

黃芪貳兩

附子

叁錢

當歸

壹兩

右藥水煎服。一劑自汗止。再劑言語出。四劑神

氣復矣。此證似輕而實重。似緩而實急。故必乘此將亡未亡之時。大補其氣血。恰是火候。苟畏參芪之多。因循退縮。坐失時機。難期收功。此證用龜螭神膏亦效。

人參壹兩 黃芪壹兩 麥冬伍錢 北五味壹錢

蜀漆壹錢 肉桂貳錢 牡蠣叁錢 龜板膏叁錢

右藥水煎服。

(庚)一時卒倒。痰涎壅塞。汗出如雨。手足懈弛不收。口不能言。囊縮。小便自遺。乃陰陽兩脫也。此至危之病。刻不可緩。生死在反掌之間也。若作風

症治。下口立亡。必須急用三生飲救之。

人參貳兩 生附子壹枚 生天南星伍錢

生半夏叁錢

右藥水煎服。一劑腎囊伸。小便止。再劑能言。始可別用湯劑也。世人疑三生飲過於猛烈。不知病來甚暴。非此等斬關奪門之藥。何能直入臟腑而追其散失之元陽。故必投於人參數兩之中。方可奪命於須臾也。惟是關門既開。前藥又不可再服。另用濟急丹。

人參壹兩 白朮貳兩 茯苓伍錢 當歸壹兩

熟地 壹兩
麥冬 壹兩
半夏 叁錢
山茱萸 伍錢

右藥水煎服。連服二劑。元氣日旺。虛汗不流。手足可以運動。而無癱瘓之憂也。

此證用救脫飲。亦甚效。

人參 壹兩
白朮 貳兩
附子 壹錢
乾薑 叁錢

半夏 叁錢
貝母 壹錢
水煎服

(辛)兩手麻木而面亦麻者。人以為中風將現之證。不知此乃氣虛不能運血也。方用助陽通氣湯。

人參 叁錢
白朮 伍錢
黃芪 伍錢
廣木香 叁分

防風 伍分
當歸 叁錢
葳蕤 伍錢
天花粉 貳錢

附子 貳分 烏藥 貳錢 麥冬 貳錢 茯苓 叁錢

右藥水煎服。連服二劑。手麻解。再服二劑。面木亦解。更服二劑。不再發。此方大補其氣。氣旺血行。又何麻木之有。

此證用助氣解麻湯亦效。

人參 叁錢 白朮 伍錢 黃芪 伍錢 麥冬 伍錢

當歸 貳錢 荆芥 貳錢 烏藥 捌分 附子 壹分

柴胡 捌分 半夏 壹錢 水煎服

(壬) 口眼喎斜。人以為胃中之疾。不知乃心中虛極。不能運於口目之間。輕則喎斜。重則不語。方用

人參 壹錢 白朮 伍錢 茯苓 叁錢 甘草 壹錢

陳皮 壹錢 肉桂 壹錢 菖蒲 伍錢 半夏 壹錢

當歸 伍錢 白芍 伍錢 水煎服

一劑輕。二劑瘡。此方補正不卻邪。而喝斜自瘡。

(癸)尸厥證。或中風不語。或感邪祟。一特卒倒。不省

人事。乃正氣虛而邪氣中之。疾迷心竅。在白晝發者。屬陽邪。昏夜犯者。屬陰邪。治法用卻痰之藥。加入補正之中。則病去如掃。死者重生。

白晝尸厥。不省人事。方用

人參 叁錢 白朮 伍錢 茯苓 叁錢 天南星 叁錢

半夏 叁錢 白芥子 壹錢 生附子 伍分

生薑

壹大塊
搗取汁去渣

水酒各壹盞煎八分灌之。

令人扶患者坐起。俾藥易下行入腹。另用皂角刺細末吹入患者鼻孔。先取噴嚏。然後以前藥灌下。立醒。必吐出怪痰甚多。吐後倦睡。再用

人參 壹錢 白薇 壹錢 茯苓 叁錢 白芥子 叁錢

白朮 伍錢 半夏 壹錢 陳皮 伍分 甘草 伍分

右藥水二盞煎八分。候患者睡醒服之。全瘳。昏夜尸厥。不省人事。方用

人參 壹兩 白朮 伍錢 半夏 伍錢 茯苓 伍錢

菖蒲壹錢 陳皮伍分 水煎灌服之。

中陰邪與中陽邪不同。雖亦用人參補正。而不用南星之類直入心經也。如不能言語。亦用皂

角刺末吹鼻取嚏。然後灌藥。

無論中陽邪。中陰邪。倘非
承遺子撒。一劑皆可回春。

以上二則。一治陽邪。一治陰邪。治邪之法。二方足以包括。臨時再審病之輕重。酌量用藥。可也。

(三) 白喉證治

夫咽喉者。陰陽升降之路。咽以胃為主。喉以肺為宗。凡本質不足者。或遇燥氣流行。或多食辛熱。感觸而發。人但知肺之灼。而不知由於胃之

蒸。人即知胃之熱。而不知由於腸之寒。腸寒則

下焦凝滯。胃氣不能下行。而上灼於肺。咽喉一

絛之路。終日蒸騰。故肺之本色上現於喉。而成

白象。不急治。與治之不當。則腫且潰。潰且閉矣。

白喉初起。惡寒發熱。或不發熱。或喉。或不咳。喉

內。或極痛。或微痛。頭痛背脹。或遍身骨節疼痛。

或便閉鼻塞。有隨發而白。隨見者。或至二三日

而白始見者。或由白點。白塊。甚至滿喉皆白者。

此證鼻通者輕。鼻塞者重。聲音清亮。氣息調勻。

易治。音啞氣急難救。治法不外肺腎二經。養陰

清肺為主。切忌表散。

茲將可用諸藥。分為正、猛、次三種。每藥再分作鎮、潤、消、導四類。以正藥為定法。猛藥取其重。次藥取其輕。又以鎮潤為定法。消藥去其滯。導藥利其行。鎮潤之中。又以養陰清肺為定法。而以他藥濟病之偏頗。輔方之不足也。

白喉用鎮潤之藥。原欲其入於胃。入於腸。以尋去路也。其下焦不甚窒塞者。既鎮且潤。火毒自駁馴下行。原無所用其消導。若火毒蘊結。下焦不通。其勢不能不宣洩之。如宜消而不消。宜導

而不導。既鎮之不使上行。潤之不使旁達。則惟有內陷於胃而已。故有用養陰清肺湯而不見效者。乃熱結中焦。大毒不能下達之故。非滋陰之誤。其症象必係胸膈漲滿。大便閉結。此時急宜加入消導藥一二味。使下關通利。病即去其大半。所以用藥之法。須從上焦引至中焦。由中焦引至下焦。病從大小腸膀胱而出。大便瀉泄。大毒下行。乃是吉象。若或遍體發斑疹。乃白喉證所常有。浮邪外出。亦是吉象。切勿誤認為尋常斑疹。不敢滋陰。改服表散。以至大誤。白喉愈

後隔一二日。服善後養正湯數劑。或服善後銀
花四君子湯亦可。此言用藥之大法也。

白喉不可刮破。刮破則毒氣渙散。為害至大。

白喉不可近火。一切煤炭燈火等。均宜遠避。

白喉不可多卧。卧則肺氣上逆。行動火氣下行。

(甲)白喉正藥。係大中至正之藥。極穩極效。症之輕
者。用鎮潤藥。已足奏功。若熱甚之症。大便閉結
者。宜酌用消導藥一二味。為是。

一、鎮藥：元參、大生地、麥冬、生石膏。

二、潤藥：白芍、丹皮、貝母、薄荷、生甘草、天冬、當歸。

三、消藥：陳皮、大木通、神麩、焦查肉、砂仁。

四、導藥：知母、清寧丸、生土牛膝兒、郁李仁、澤瀉。

養陰清肺湯

大生地 伍錢

麥冬

叁錢
去心

白芍

貳錢
炒

薄荷

壹錢

生甘草 壹錢

丹皮

貳錢

貝母

貳錢
去心

元參

肆錢

右藥水煎服。首服可用青果核伍枚打碎為引。再服即不用引。輕者日服二劑。重者日服三劑。小兒照原方減半。

此方乃治白喉之聖藥。而一定不易之方也。服藥後。其白不增不減。或略轉微黃者。佳象也。宜

守定原方。繼續煎服。十有十活。切弗中改。

喉間腫甚者。加生石膏肆錢。

大便數日不通者。加清寧丸貳錢。元明粉貳錢。
小便短赤者。加木通壹錢。澤瀉貳錢。知母貳錢。
燥渴者。加天冬叁錢。馬兜鈴叁錢。

面赤身熱。或舌苔黃者。加銀花肆錢。連翹貳錢。
胸下脹悶者。加神麴貳錢。焦查肉貳錢。

(乙) 白喉猛藥。非極實之體。症至極險之時。以及誤服忌藥。漸見敗象者。不可輕用。蓋猛藥用以馭其重也。揭而出之。所以使人知慎耳。

一、鎮藥：犀角。龍膽草。生石膏。

二、潤藥：瓜蒌。生梔仁。黃柏。連翹。馬兜鈴。藍草根。

三、消藥：中樸。萊菔子。枳實。

四、導藥：生大黃。元明粉。

神仙活命湯

大生地 壹兩

白芍 叁錢

板藍根 叁錢

生梔子 貳錢

元參 捌錢

馬兜鈴 叁錢

龍胆草 貳錢

川黃柏 壹錢半
生石膏 伍錢

瓜蒌 叁錢

生甘草 壹錢
水煎服

此方乃治白喉之重症。而救其危者也。如初起

即極疼且閉。飲水即噎。眼紅聲啞。白點立見。口
出臭氣者。可照方煎服。或已延誤數日。症已危
急。或誤服表藥。現出敗象。非輕劑所能挽回者。
均須此方以洩其毒。日服二三劑。俟病稍減。仍
服養陰清肺湯。

舌有芒刺。謔語神昏者。加犀角貳錢。

大便閉塞。胸下滿悶者。加中朴貳錢。枳實貳錢。
大便閉甚者。再加萊菔子貳錢。生大黃貳錢。

小便短赤者。加澤瀉貳錢。知母車前子各叁錢。

(丙)白喉次藥。為白喉初起。辨別未明。及症之輕者。

與夫雙單蛾喉。皆可以此等藥清解之。如未見愈。即改用正藥。切勿發表。表則不可救也。

一、鎮藥：次生地。粉葛根。

二、潤藥：紫苑。銀花。藿梗。桑葉。柿霜。枇杷葉。去毛蜜炙

三、消藥：枳殼。小木通。竹葉。炒麥芽。

四、導藥：燈芯。車前子。蓮子心。

除瘟化毒湯

粉葛根 貳錢 冬桑葉 貳錢 枇杷葉 壹錢半
去毛蜜炙

竹葉 壹錢 次生地 貳錢 貝母 貳錢
去心

小木通 捌分 薄荷 伍分 金銀花 貳錢

生甘草捌分

水煎服

此方乃治白喉之初起。症象輕而白未見者也。即服此方一二劑。如症加重。須詳細探看喉間。但有星星白點者。即宜改服養陰清肺湯。勿稍遲誤。如不見白。即服此方。切勿發表。

大便閉者。加瓜蒌貳錢。郁李仁貳錢。

胸下脹悶者。加炒枳殼壹錢半。炒麥芽貳錢。

小便短赤者。加車前子叁錢。燈芯壹錢。

以上三方加味各法。均須隨時斟酌。若見症不甚重者。即於所備二三味中。酌加一味。或以分

兩減輕。庶無偏誤。

若已誤服表藥。即以生薑豆研細末。病重用一

茶碗。病輕用一酒杯。冷水調服。另煮大赤粥一

碗。先服粥。後服薑豆末。則誤服之藥。即可消除。

(丁) 白喉忌藥：麻黃誤用音癭 桂枝辛散不可用 山豆根不可用

防風不可用 荆芥不可用 桔梗肺虛不宜升 柴胡升散不可用

前胡發散不可用 羌活過衣不可用 升麻升散不可用 紫荊皮破血不可用

射干妄用音癭 細辛辛散不可用 黃芩過涼不可用 桑白皮肺虛不宜洩

僵蠶涼散不可用 蟬退升散不可用 馬勃不可用 天花粉不可用

蘇葉不可用 杏仁苦降不可用 牛蒡子能通十二經不可用

忌食：鷄鴨蛋。無鱗魚。牛羊肉。及一切魚腥。飲食宜以清潤為主。不食煎炒。辛熱。厚味。

白喉症無論初起甫愈。大忌食蟹。犯者必死。無藥可救。至要注意。

(戊)白喉誤服忌藥所現敗象：

七日滿白不退。服藥大便不通。鼻孔流血。

頷下發腫不消。服藥嘔吐不止。音瘖鼻塞。

喉乾無涎。白塊自落。天庭黑暗。

平日直視。面唇俱青。角弓反張。

痰壅氣喘。汗出如漿。藥不能下。

肢脹神倦。病重者用猛方。輕者用正方。以期

補救。惟脾泄之症。宜兼顧脾土。須另立方。

(已) 白喉未服藥而大便泄者。方用

生地 伍錢 元參 貳錢半 丹皮 壹錢半 薄荷 柒分

麥冬 叁錢 麥芽 貳錢 藿香 壹錢半 砂仁 貳錢 研沖

庚 白喉服藥後而腹瀉者。方用

生地 貳錢 酒炒 白芍 貳錢半 川貝 貳錢 甘草 壹錢

麥冬 貳錢 麥芽 貳錢 藿香 壹錢半 砂仁 貳錢 研沖

吹喉瓜霜散 或用藥鋪中冰硼散鳳衣散亦可

西瓜霜肆錢 上辰砂壹錢 上冰片伍分

人中白伍分

明雄黃伍分

人指甲壹錢

青果核

貳錢
培炭

真青黛伍分

右藥各研細末。再入乳鉢內和勻。研至極細。每用少許。吹入喉中。即吐痰涎。以出毒氣。其患自愈。此散藥簡功大。屢試屢驗。幸勿輕視。

白喉吹藥 服藥吹藥。相輔而行。見效更速。

青果炭壹錢

黃柏壹錢

川貝母壹錢
志

兒茶壹錢
去砂

薄荷葉壹錢

冰片伍分

鳳凰衣伍分
即初生小鷄殼內之衣

右藥各研極細末。和勻。日吹患處六七次。

善後養正湯

生玉竹 伍錢

當歸 叁錢

熟地黃 肆錢

製首烏 肆錢

茯苓 叁錢

生地黃 叁錢

懷山藥 肆錢

白芍 貳錢

女子貞 叁錢

麥門冬 貳錢

花粉 貳錢

炙甘草 壹錢

右藥水煎服。白喉愈後。隔一。二日。服此方。每日

一劑。固本而消餘毒。

善後銀花四君子湯

臺黨參 伍錢

製於朮 肆錢

生首烏 肆錢

金銀花 貳錢

炙甘草 壹錢

右藥水煎服。白喉愈後。如脾胃虛者。用此方調

理。可以培土清毒。

增刊白喉經驗良方

元參

壹錢

生地

貳錢

生芍

壹錢

生軍

壹錢伍分

明粉

壹錢

木通

壹錢

枳殼

壹錢

耳釵斛

壹錢

生甘草

壹錢

水煎服

如有喉腫便閉等症。宜照前方所備加藥。按症酌加數味。若大便結甚。用清寧丸為引。輕者日服二劑。重者日服三劑。小兒減半服之。並用瓜霜散頻頻吹入喉中。流出痰涎。以出毒氣。病愈後。隔一二日服善後養正湯數劑。可以清餘毒。

而復元氣。

(三) 養陰清肺湯解

一、生地、丹皮、白芍、玄參。係血分藥。涼血益陰。用生地為君以瀉火。並取其下足少陰腎以滋水。水盛可以伏火。玄參壯水以制火。丹皮瀉血中伏火。白芍平肝火而益脾陰。

二、麥冬、貝母等。係氣分藥。麥冬清心氣而潤肺燥。貝母開肺結而清肺熱。甘草瀉心火。凡火急甚者。必以此藥緩之。薄荷以散肺熱。用以為使也。血熱由氣熱傳來。故必用清氣分之藥以佐之。

三、患此症者。必須初起即痛且閉。飲水即噎。出語聲啞。舌深紅色。口出臭氣。謂之對症。若舌邊紅。中心或黃或白。此非血分病也。乃膈上氣熱燥津。倘症象輕而未見白。或疑似未能認定。慎勿用此滋膩藥味。難以解散。藥宜用涼膈散去硝黃。較為妥當。

連翹

叁錢

酒苓

貳錢

薄荷

壹錢

炒山梔

貳錢

甘草

壹錢

水煎服

四、恐其力不能勝。加大青葉。知母。以清胃之毒火。加霜桑葉。蘆根。以清肺之燥熱。菊花。銀花。葛根。

貝母等。均可擇宜加入。

(三) 白喉症辨

白喉。有陰虛白喉。有風熱白喉。陰虛白喉。忌表藥。風熱白喉。忌表藥。陰虛白喉。其陰已傷。再用表藥發汗。汗為心液。雪上加霜。傷而又傷。大是不可。風熱白喉。必須表散。非但不忌表藥。並且正是合用表藥。不過所用表藥。如薄荷。牛蒡子。僵蠶。蟬衣。桑葉。浙貝。桔梗之屬。不可用辛溫也。倘風熱白喉。不與表散。浪投沙參。麥冬。生地。玄參等養陰之品。將風熱之邪。牢牢裹住。使漫

無出路。必至內陷而入險候。陰虛白喉。是虛症。風熱白喉。是實症。虛實之判。生死異途。誤治皆足致命。先輩王孟英治白喉。專用表藥。投無不效。所撰錫類散方。尤著奇驗。此乃風熱白喉也。近人有白喉忌表之書。所列諸方。均養陰之品。此乃是陰虛白喉也。世人知其一。不知其二。一見白喉。即曰忌表。不知誤用養陰。其害正與誤表同也。入春以來。天時寒暖不定。白喉症甚多。屬風熱者十有八九。病家畏表。而醫者往往徇病家之請。用藥多所顧忌。以致遷延日久。輕症

變重。重症變死者。不知凡幾。可慨也夫。

陰虛白喉。風熱白喉。其殊異之點如下：

一、風熱白喉。必有頭痛。陰虛白喉。不有頭痛。

二、風熱白喉。必有身熱。陰虛白喉。祇有肉熱。不有身熱。

三、風熱白喉。其脈必數。陰虛白喉。其脈不數。

四、風熱白喉。白點之四周必然紅腫。陰虛白喉。雖紅不腫。且亦有不紅者。

有此四異點。何致清濁混淆。涇渭不分乎。

(三)異功散 專貼咽喉腫疼起白等症。切勿入口。

上血竭

陸分
另研

全蝎

陸分

斑蝥

肆錢
去足翅
糯米炒黃去糯未用

上冰片

陸分

沒藥

陸分
去油

上麝香

叁分

元參

乳香

陸分
去油

右藥各研細末。共和極勻。用普通小膏藥一張。將此散少許。約如一粒菜豆大。放在膏藥中間。貼於頸下咽喉疼處。左疼貼左。右痛貼右。兩邊俱痛。左右俱貼。不可貼於咽喉正中。貼二三點鐘後。將膏藥輕輕揭去。貼處即起水泡。用銀針或木簽將水泡挑破。擦淨毒水。如不起泡。是熱毒未出。可用原膏藥再貼一小時。惟挑破之泡。

擦淨毒水後。聽其自乾結痂。不可見水。此藥有毒。切勿入口。磁瓶收貯。勿使洩氣。

〔三〕喉痛吹藥方。治喉症極效。白喉亦治。屢試屢驗。

青果炭貳分 黃柏壹分 兒茶壹分 薄荷壹分

川貝母貳分
去心 冰片伍厘 牙砂壹分 硼砂壹分

燈芯灰壹分 牛黃壹分 殭蠶壹分 枯礬少許

右藥共研極細。吹喉中。神效。

〔五〕紅白喉症驗方。專治紅喉白喉。及咽喉結核腫疼。

珍珠壹分半 台麝壹分 真北牛黃壹分

上梅片壹分半

共研極細末。煉蜜為丸。如梧桐子大。用磁器存儲。勿令洩氣。一料藥可為丸三四十粒。可救三四十人喉症。患者每用壹丸。放在舌底含化。立即通竅消散全愈。如含壹丸未能全愈。可再含壹丸。至多叁丸。無不效驗。

(一三六) 喉痛順證方

喉痛日重夜輕。乃順證也。最易治。方用

山豆根 叁錢 半夏 壹錢 桔梗 叁錢 甘草 壹錢

右水煎服。一劑立瘳。

(一三七) 喉生雙蛾方

咽喉忽腫作痛生雙蛾者。飲食不能下。五日不食即死矣。但此症實火易治。虛火難醫。實火症世人已有妙方。如用山豆根、芩連、甘草、桔梗、天花粉治之立消。惟虛火乃腎火不藏於命門。浮游於咽喉之間。其證亦如實火。惟夜重於晝。清晨反覺少輕。若實火清晨反重。夜間反輕。適與虛火病狀相反。實火口燥舌乾而開裂。虛火口不甚渴。舌滑而不裂也。此皆虛實之辨。此種虛痛。不特不可用涼藥。並不可發散。蓋虛火必須水火兼補。如徒補腎水以制火。雖可少差。而火

勢太盛。不易制伏。又宜於水中補火。引火歸源。則火勢頓除。奏效於頃刻間也。方用引火湯。

熟地

壹兩

元參

壹兩

白芥子

叁錢

山藥

肆錢

茯苓

伍錢

肉桂

貳錢

山茱萸

肆錢

北五味

貳錢

右藥水煎服。一劑痰聲靜。痛頓除。腫盡消。二劑全瘳。真有鬼神莫測之機。倘喉腫閉塞。勺水不能下。方用

附子

壹個

補骨脂

伍錢

各研末。調如糊。

右糊布攤如膏藥。分貼兩足心。以火烘之。一時喉即寬而開一線路。可以服藥矣。

三錫類散

專治天行喉症。無論如何危險。連吹三次。無不神效。並治乳蛾。牙疳。口舌腐爛等症。屢獲奇效。惟藥品珍貴。價值較昂。有力之人。修配多料。無力者。集多人合配一料。或半料。再或抄錄此方送人。活人濟世。德莫大焉。古今修配此藥。或抄送此方以救人者。求嗣却病。無不如響。是應事紀甚多。不勝錄載。

西牛黃 壹錢伍分

真冰片 玖分

珍珠製

玖錢

象牙屑

玖錢

真青黛

壹兩捌錢

飛淨去淨灰脚

壁錢

陸拾個
俗名喜蛛窩。土壁或磚牆上者可用。木板上者不用。

人指甲

壹錢伍分
男病用女指甲。女病用男指甲。須分別配合。

共研極細粉。吹患處。流出惡涎。立愈。

分別男用女用。分裝磁瓶。勿使洩氣。

(三)捷妙丹 治隻單喉蛾。神效。用錢不多。活人無算。

牙皂角

壹兩
切碎

絲瓜子 壹兩貳錢

右二味。用新瓦文火炙乾。研極細末。加冰片伍分。共研勻。收貯磁瓶。用時吹入病人鼻中。取嚏一二次。喉蛾即消。左邊患蛾。用藥少許吹入右鼻孔。右邊患蛾。吹入左鼻孔。雙蛾。左右並吹。

(四) 各種喉症嗽方

赤芍 壹兩

草烏 壹兩

桔梗 伍錢

荊芥穗 伍錢

甘草 伍錢

柴胡 叁錢

連翹 伍錢

赤小豆 陸錢

細辛 伍錢

皂角 伍錢

生地 伍錢

紫荊皮 壹兩

右藥不宜見火。曬乾。研極細末。收入磁瓶。用特冷水調嗽。神效。不可嚥下。

(四) 呂雪丹

專治孕婦咽喉破爛疼痛。

上水片 陸厘

硼砂 壹錢

右藥二味。用蘿卜一個。同煮熟。入冷水內一夜。水底沈結如冰者佳。取出。加真青黛壹分。研極

細收瓶內。用時吹患處。

按孕婦喉症。危險萬分。因其用藥諸多禁忌。故須預為配藥備用。凡咽喉破爛者。宜用呂雪丹。其不破不爛者。用真功丹。

〔三〕真功丹 專治一切喉痛。孕婦患喉症未破爛者。

冰片壹分 熊膽壹錢 硼砂壹錢

蘆甘石壹錢
先活湯煨七次。出渣脚。晒乾用。

共研極細。吹少許。立能止痛。

如毒腫者。加牙硝貳分。

〔四〕喉證蓬萊雪 治七十二種喉證。無不神效。

生黃芩

叁錢

生黃連

叁錢

黑梔子

叁錢

右藥三味均研極細末。

雄黃

叁錢

硼砂

叁錢

牛胆硝

叁錢

枯礬

壹錢

鷄內金

壹錢

人中白

叁錢

均研細末。瓦上煨存性。置地上二晝夜。去火氣。

青梅。瓦上煨存性。置地上二晝夜。以去火氣。

研成細末。取伍錢。

真青黛

伍錢

西牛黃

叁分

台麝香

叁分

銅青

伍分

熊胆

伍分

珍珠

伍分

冰片

伍分

兒茶

捌分
另先研細

共研極細。

以上十八味。合研極細。每遇喉症。以少許吹入患處。一日夜須吹十餘次。徐徐流出痰涎。即愈。如有腐爛臭穢。用猪牙皂。扁柏枝。同搗和。去渣。灌漱使淨。再加吹藥。神效。

〔四〕治雙單蛾喉方

真牛黃 肆分

熊胆 肆分

珍珠 肆分

兒茶 肆分

元明粉 肆分

硼砂 肆分

麝香 貳分

梅片 貳分

人中白 伍分

琥珀 叁分

枯礬 叁分

黃柏 叁分

薄荷 壹錢半

川連 壹錢

辰砂 貳分

右藥研極細。吹喉極效。

(五)鎖喉風閉急救良方

猪牙皂角加醋細搗。取汁四五匙。喉痰大吐。即愈。再將所餘藥塗頸上。乾即易之。其效一破而愈。神效無比。

又方：牆上壁蟻窩數個。在瓦上炙燥。加芥片少許。研細。吹入喉中。血散痰消。立愈。

凡治鎖喉風。總以吐痰為主。多得回生。

(六)小兒鎖喉經驗方

此症俗名喉風。凡小兒初生三朝七日不飲乳者。多是風痰塞口。謂之鎖喉。此散極能利其關。

竅。用之無不靈應。經驗多人。幸勿輕視。

全蝎稍

陸分
浸淡炒

炒殭蠶

壹錢

甘草

陸分

製川烏尖

陸分

瞿麥

壹錢

蜈蚣

貳條
揀金頭赤足者

去頭尾。用酒浸後炒。

右藥六味。共為細末。遇急症。用此散少許。吹入鼻內。得嚏者。雖病極重。猶可救也。再用薄荷葉片煎水。調服散貳分。立能痊愈。如大人中痰。用散壹錢。另用白礬少許煎水送服。立可回春。

〔回〕喉痛吐痰方

白芷

壹錢

牙皂

壹錢

枯礬

壹錢

石菖蒲

壹錢

硃砂壹錢 冰片壹分 共研細末。吹喉即吐。

〔二〕喉症通閉散 治咽喉腫痛。點水不下。吹之。痛止閉開。

青鹽壹錢 白礬壹錢 硼砂伍分 共研細末。

〔三〕喉症噤口方

真僵蠶伍個 射干肆錢 桔梗叁錢 甘草壹錢

洗烏梅伍粒 水煎漱

又方 苦桔梗叁錢 浙貝貳錢 銀花伍錢 射干叁錢

粉甘草壹錢 龍胆草伍錢 煎水漱

〔五〕喉藥萬應散

鍾乳叁分 鷄內金叁分 僵蠶叁分 硼砂叁分

川連 叁分 粉甘草 叁分 川貝 叁分 冰片 壹分

薄荷 叁分 人中白 叁分 膽星 叁分 雄黃 伍分

青黛 伍分 牛蒡子 伍分 膽礬 伍分 兒茶 壹錢

硃砂 叁分 生石膏 叁分 珍珠 叁分 琥珀 叁分

右藥研細末。吹喉奇效。

(五) 治腦充血方

按腦充血一症。即類中風之一。乃其人腎水虧損。水不養木。以致肝陽上升。水不制火。胃火亦因之上炎。其人必時常頭痛頭眩。日久失治。肝胃二氣引動衝脈。一旦扶衝脈上冲。令人暈倒。

不省人事。重則頭部血管爆裂。每多不救。遇此症時。須將病人輕輕扶於床上。枕頭墊高。或將枕頭一邊床腿墊高五寸。使病人頭部高。足部低。庶氣血易於下行。令其安息。候人清醒。急服此方。更須平心靜養。不可急躁。再以舒肝滋腎藥劑。善為調理。勿操勞。勿動怒。尤忌飲酒房勞。以免復發。方用

懷牛膝

當歸

生杭芍

陸錢

生龍骨

陸錢

生牡蠣

陸錢

生赭石

陸錢

玄參

肆錢

川棟子

肆錢

龍胆草

叁錢

生甘草

貳錢

水煎服。此症不是中風邪。萬不可用風藥。

(五)腦膜炎治療法 治愈多人。勿以方簡價廉輕忽之。

腦膜炎一症。即瘧病而兼疫者也。係督脈或膀胱經受邪。循經升至頭腦。日久醞釀。以致腦膜發矣。甚則成瘡。西醫雖知病之所來。在背脊骨節。施以藥水注射。痛苦異常。但病無出路。故多不效。此症有緩急二種。緩者能延至十日八日。急者。猝然仆倒。不省人事。數小時即不救。症之現象。初起頭痛。胸中煩悶。頸項強急。兩眼上吊。項後筋緊縮。頭往後仰。雖勉強用力低頭。

下頷不能及胸。繼則角弓反張。神志昏迷。誠險症也。法用

皂礬

壹兩

煨煉存性。研細末。過篩。病人左邊

頭痛。用礬末些許吹入右鼻孔。右邊頭痛。吹入左鼻孔。如頭部左右皆痛。吹入兩鼻孔。兩三分鐘後。鼻流血水。或瘀黑血塊。頭目即覺清醒。腦中爽快。再以礬末吹入鼻孔。血水下盡。即愈。按皂礬性。酸涼無毒。為化痰解毒之品。治血分之瘀積。其效最捷。病是腦膜發炎。治以解熱毒化血瘀之藥。引病由鼻竅而出。實妙法也。

(五)腦膜炎之新治療

腦膜炎症。中醫名疫癘。患者死亡相繼。洵屬可憫。上海中醫指導社。積三載之研究試驗。發表意見如下。

(症狀)初起。則形寒身熱。頭痛如劈。四肢痠麻。煩悶。嘔噁。有汗或無汗。漸重。則項強抽搐。角弓反張。神識不清。目赤直視。口噤妄語。最後。則項強反張益甚。唇焦舌黑。或四肢厥冷。或狂燥不寧。或痰鳴氣喘。或隱見紅斑。或滿口糜腐。

(原因)天時寒燠不常。空氣惡濁。釀而為疫。初起

或扶寒。或扶溫。久則鬱化成熱。循脊推而上入於腦。

(治法)初起以葛根湯為主方。隨症加減疎解。轉重以羚羊角、犀角為主藥。隨症加減清泄。

臨危急救以紫雪丹、至寶丹、行軍散、玉樞丹、安宮牛黃丸為主劑。隨症施用。

善後以清營扶陰為主旨。隨症投治。

一、平瘧解疫湯 適應於疫瘧初起。有惡寒、身熱等表症者。

葛根 貳錢 桑葉 貳錢 生白芍 貳錢 滁菊 叁錢

瓜蒌 叁錢 連翹 叁錢 生杏仁 叁錢 麻黃 捌分

桂枝捌分 防風 壹錢半

汗多去麻黃。內熱重加蘆根壹兩。

二、疫癘解毒湯適應於疫癘增進。熱重神昏角弓反張之裏症。

羚羊角 伍分

黃連 伍分

瓜姜

叁錢

葛蒲

壹錢半

人中黃

貳錢

銀花

叁錢

連翹

叁錢

滁菊

叁錢

生白芍 貳錢

生牡蠣 壹兩

鮮蘆根

壹兩

熱重加犀角 叁分。

大便秘加大黃 叁錢。

津液乾加生地 肆錢。

中醫指導社。在上海小西門內。尚文路。以號。主任為秦伯未君。如有問。直接函詢可也。

〔五〕預防腦膜炎方

甘枸杞 菊花 生石決明 海蛤壳各叁錢

煎水代茶。可免傳染。

〔五〕預防喉痧方

多食青菜。生梨。

再以細生地伍錢 鮮石斛壹錢 煎湯代茶。

〔五〕春溫證治

春溫與傷寒情形大異。初起週身壯熱。不惡寒。口大渴。是為溫病。又或微覺惡寒。然一二日後。斷無有不發熱發渴者。發斑疹。皆由此起。其脈

則右大於左。初起兩寸脈皆大。而右寸尤盛。治法以麻杏石甘湯為宜。若一二日後。則不可用。而銀翹散為最妙方法也。且無流弊。幸勿輕視。

金銀花

葇兩

淨連翹

壹兩

苦桔梗

陸錢

薄荷

陸錢

竹葉

肆錢

荊芥穗

肆錢

生甘草

伍錢

淡豆豉

伍錢

牛蒡子

陸錢

共研為散。每服陸錢。用時以鮮葦根壹兩。先煎水去渣。和藥同煎。一開香氣大出。即取服。勿煎過濃。肺藥取清輕。過煎則味厚而入中焦矣。病重者日服三劑。夜服一劑。病不解者再服。切忌

辛溫發散。誤治。不可救矣。慎之。

(一五) 瘟疫證治

瘟疫之證。右脈大於左脈。頭痛眩暈。胸膈膨脹。

口吐黃痰。鼻流濁水。或身發紅斑。瘟疫發或髮如

焦黑。或嘔涎如血。或腹大如箕。或舌爛頭大。或

脇痛心疼。證狀不一。象形而名。其來無方。傳染

甚厲。大都大熱之氣蘊蓄鬱積所致。其所以感

名之因。由於人事之錯亂。或天時之乖違。或尸

氣之纏染。或毒氣之變蒸。皆能成為瘟疫。證狀

雖多。治法但去其大熱之氣。而少加卻邪逐穢

之品。即可奏功共效。方用逐瘟神聖丹。

川大黃 叁錢 玄參 伍錢 柴胡 壹錢 麥冬 叁錢

生石膏 貳錢 荊芥 壹錢 白芍 叁錢 滑石 叁錢

天花粉 叁錢 水煎服

此方可通治瘟疫病。出入加減。無不奏功。妙在

用大黃。以蕩滌胸腹之邪。用荊芥。柴胡。以散半

表半裏之邪氣。天花粉。消痰去結。石膏。逐胃中

之火。芍藥。平肝木。不使來剋脾氣。則正氣自存。

而邪氣自出。此方最妥最神。治瘟疫者。可以此

為枕中秘。

又方名玄天苦救湯治瘟疫病服一劑即可回春。

玄參壹兩

天花粉伍錢

苦參伍錢

水煎服

(五) 惡核屬疫

亦稱鼠疫。又稱黑死病。又名百斯篤。

證狀。頭刺身熱。頸項結核。

有先熱而後核者。有先核而後熱者。或核熱同見。或見熱

不見核。或見核不見熱。而核多起於陽明少陽部位。無核者為標蛇。治法同。

四肢酸痺。或有汗

或無汗。或作渴或不渴。或惡寒或不惡寒。其兼

見者。則更疔瘡斑疹。口鼻出血。吐痰帶血。甚而

煩燥懊懷。昏憒譫語。昏亂顛狂。痞滿腹痛。便結

旁流。舌焦起刺。目眩耳聾。舌裂唇裂。種種現象。

此種屬疫。多起於冬至前。而衰於夏至後。其具

旺於陽生之時。而衰於陰生之候。可知其為亢
屬之熱毒。而迫成淤血所致也。為害至大。傳染
甚速。往往闔戶闔村死亡殆盡。光緒甲午至甲
辰十年間。粵省歷有經驗。宣統庚戌。哈爾濱一
帶。發現此證甚劇。西醫謂係鼠子所播。又云空
氣傳疫菌。可見捕鼠防疫。並無多大意義。粵省
高州刊有良方。救活達千萬人。並云。此證最忌
毒氣攻心。如毒已攻心。則服此方亦難救治。故
核上切勿濫貼膏藥。以免毒氣內竄。核初起。宜
即煎服西紅花叁錢。紫花地丁壹兩。以解其毒。

然後服方。

桃仁

肆兩
去皮研

連翹

壹兩半

當歸

柒錢半

生甘草

壹兩

柴胡

壹兩

赤芍

壹兩半

葛根

壹兩

生地黃

貳兩半

厚樸

伍錢

蘇木

伍兩

水煎稍涼服

每日服二劑。每劑兩煎。分作早、午、晚、夜四次服之。始能見效。無論老少。不可輕減分量。

渴者加生石膏

壹兩。

渴甚者加生石膏

貳兩。

知母

捌錢。

竹葉

壹兩。

服藥即吐者。熱毒攻胃也。加生竹茹

壹兩。

吐即止。

熱甚或手足冷。乃內真熱而外反現假寒之象也。

均加原麥冬貳兩。竹葉壹兩。生石膏壹兩。

茅根壹兩。大青貳兩。蘇木陸錢。

痛痺抽搐加生石膏壹兩半。蘇木壹兩。

大青貳兩。茅根貳兩。

譫語水瀉。病二日頻瀉。真水者。是毒注臟。熱迫而瀉也。與服藥中病所下痰涎不同。不可不知。加大黃貳兩。

臟結大便不下者。加大黃陸錢。枳實叁錢。朴硝陸錢。沖服。

熱盛昏憒及見血。均加原麥冬貳兩。竹葉壹兩。

生石膏壹兩。茅根壹兩。大青貳兩。蘇木捌錢。

小便不通。加車前子貳錢。木通貳錢。生石膏壹兩。

原麥久貳兩。竹葉壹兩。大青貳兩。茅根貳兩。

癰加大青伍錢。

疹癩加淡竹葉伍錢。知母肆錢。

疔癩加紫花地丁伍錢。白菊花壹兩。或路邊菊葉兩。

痰瘀滯喉痛加牛蒡子伍錢。瓜蒌仁肆錢。

孕婦減輕桃仁紅花加黃芩壹兩。桑寄生貳兩。為

底。再按各證照加。

熱漸退減輕柴葛。舌濕潤不渴不可用石膏。

下漸少減輕大黃。或除去不用。

毒下淤少減輕桃仁紅花。

身既退熱病漸瘳頭額有微熱宜服增液湯以和

血。元參伍錢。麥冬伍錢。生地壹兩。日夜服。

餘熱未清。仍須加石膏、茅根、大青、黃芩。乃能收功。
有一點熱未退。不可食粥飯。犯之必翻病。如或肚
餓。則煮綠豆極爛。連皮食之。其次則以粉葛、藜
峒薯、赤小豆、番薯、要白心的馬蹄等。俱可。

俟熱退清。一二日。全瘳。乃可進薄粥。漸加飯。勿食
補益品。蓋多食則復。肉食則遺也。

胎前產後。頗費手。胎前重加黃芩、樹錢、桑寄生、黃雨。

以護胎。兼用桃仁、紅花。以逐血管之瘀。使熱勿
傷胎。胎自不墮也。其或墮胎者。皆由中病已深。
藥力不及。不足以解其熱。故墮耳。非藥之咎也。

產後約滿月亦照常人治法。惟新產極難措手。蓋由受病在未產之前。加以羌酒辛溫驟發於新產之後。此則未經治驗。不敢處方。但有病則病受之。似可見證治證。尚冀一綫之生路。敢質高明。然若用溫補。則立斃矣。

瘡後六七日不大便。乃因精液未充之故也。與前之熱毒祕結不同。宜以清潤主之。方用六成湯。

當歸壹錢半 白芍壹錢 天冬壹錢 大生地伍錢

麥冬壹錢 元參伍錢 水煎服二劑。大便自易。

原刊加味各項。間有用羚羊、犀角、熊膽等品者。物

多偽。價太昂。中人以下。不能辦到。茲悉以代用藥
品代之。以資便利。

羚羊角 重用生石膏、茅根、大青、三味以代之。
犀角 重用原麥冬、竹葉、二味以代之。

藏紅花 倍用蘇木、或南紅花以代之。

(五) 蝦蟆瘟 疔瘡 瘟治法

瘟疫初起。惡寒神昏。舌胎如積粉。口渴咽乾。穢
氣滿口。大小便閉。狂惑閉亂。甚則發狂發黃。斑
疹喘呃。接踵而至。並有頭項粗者。一經發熱。面
色紅黑。即不再惡寒。與傷寒證發熱而仍惡寒。面色慘淡者。有別。

稱蠟蟆瘟。疔瘡瘟傳染甚速。宜預為修藥救濟。此證多由亢旱既久。驟遇春雨。溼熱蒸薰。或飲不潔之水所致。沿門比戶。大小咸若。發於春夏交為甚。大毒內盛。急宜表裏兼治。攻發並行。方用運氣五瘟丹。

川黃連

壹兩半
戊癸年此為君藥。倍之。

黃蘗

壹兩半
丙辛年此為君藥。倍之。

黃芩

壹兩半
乙庚年此為君藥。倍之。

梔子

壹兩半
丁壬年此為君藥。倍之。

生甘草

壹兩半
甲巳年此為君藥。倍之。

紫蘇

壹兩

香附

壹兩

川大黃

叁兩

右藥照年干以一味為君藥。倍作叁兩用之。俱

生研為細末。合勻。只將大黃煮熟。連汁搗爛。杵
和羣藥為丸。每重壹錢半。另用飛硃砂叁錢。真
金箔以張。研為衣。每於年前冬至日配合備用。
例如辛未年黃蘗為君。應倍作叁兩用之。而於
年前庚午歲冬至日配合。按歷法庚午冬至實即
辛未之天正冬至也。每服
壹丸。開水化服。重者日服壹丸。連服至瘳。

〔高〕神授枳殼丸專治瘟疫腹痛吐瀉。手足麻木。

此證道光元年辛巳歲。時疫流行。起自大河以
北。流行齊魯吳越。蔓延皖城。患者約一週時。即
至不救。鳳翔陶司馬傳此方。救人無算。

枳壳 壹兩

玉竹 叁錢

桂枝 伍錢

車前子

叁錢
研細

雲苓 肆錢

青皮 叁錢

陳皮 叁錢

佩蘭葉

陸兩
洗淨

荆芥 伍錢

乾荷葉

壹兩

右各為細末。合研極勻。另用黑棗四兩。去皮核。煎成濃糊。摶合羣藥為丸。桐子大。每服叁錢。開水送下。輕者一服。重者二服。神效。

如兼紅痢。藕節湯下。

(三)雷擊散 治瘟疫流行。痧證。及一切感冒。均效。

專治瘟疫初起。脈散。牙緊發荒。手足麻木。喉腫心痛。目閉不語。死亡甚速。

此證名硃砂證。又名心經疔。道光元年辛巳歲。魯豫瘟疫流行。蔓延江浙蘇寧蕪湖等處。中者即死。醫多不識。誤認喉風治。死者無數。兩江總督孫玉廷。查得乾隆九年。貴州曾患此疫。傷人甚衆。丹平山天雷擊出一方。鈔傳照製。效應如響。救人無算。故方名雷擊散。

牙皂

柒錢

硃砂

叁錢

藿香

肆錢

明雄黃

伍錢

桔梗

肆錢

薄荷

肆錢

枯礬

叁錢

北細辛

柒錢

白芷

肆錢

防風

肆錢

貫仲

肆錢

廣陳皮

肆錢

法半夏

肆錢

廣木香

肆錢

生甘草

肆錢

右各為細末。秤準和勻。收貯磁瓶內。勿令走氣。遇證用藥叁分。吹入鼻內。再用薑湯沖服壹錢。服藥後用紅紙捻燃照前後心窩二處。見有紅點發現。即用鍼挑破。內有紅絲。狀似羊毛。故俗稱羊毛疹。挑出方保無虞。不可大意。孕婦忌服。小兒減半。

〔三〕大頭瘟證治

大頭瘟。頭面皆腫。二目難開。

靛花叁錢 燒酒壹杯 鷄蛋清壹筒

右同攪勻。一服即瘡。神方也。

又方貫仲叁錢 葛根貳錢 僵蠶壹錢 甘草壹錢半

黑豆 貳拾粒

水煎服

(三)養正丹

又名交泰丹。實扶真人谷伯陽傳方。

專治上吐下瀉。四肢冰冷。其劇者。兩目凹。大肉陷。遲治不救。

此為陰證霍亂。西醫名為虎烈拉。乃夏秋間之時疫。流行遠近。傳染甚速。此方載於綱目卷九靈砂附方內。能卻邪輔正。助陽接真。治元氣虧虛。陰邪交蕩。上盛下虛。氣不升降。呼吸不足。頭眩氣短。心怯膽悸。虛煩狂言。盜汗。腹痛腰痛。反胃吐食。霍亂轉筋。欬逆。又治中風延潮。不省人

事。陽氣欲脫。四肢厥冷。傷寒陰盛。自汗。脣青。厥
沈等症。此藥并降陰陽。既濟心腎。神效不可俱
述。惟所載製法簡畧。而藥皆猛烈。金石。無敢試
者。前於光緒廿七年辛丑夏。霍亂證起。自天津
海岸。蔓延冀魯等處。中西醫皆棘手。死亡無算。
時有青州儒生賈文光字宦廷。為姚博施先生
家西席。自承能製。於是製藥施送。捷應如響。咸
皆一服回春。發無不應。

黑鉛壹斤

水銀壹斤

硃砂壹斤

水淘洗淨

陳醋捌斤

倭硫黃壹斤

右用地道上好藥料。另備鮮柳枝一根。長三四尺。徑一二寸。

新刷帚一把。大鐵鍋一口。擇吉期。夜靜時。架鐵鍋於天井。用木柴然燒。候鍋大紅。先下黑鉛。約鍊五分鐘。即溶如水。次下水銀。以鮮柳枝在鍋內攪和。鎔冷。鍊五分鐘。再下硃砂。仍以鮮柳枝攪融。鍋中發生藍靛。閃灼似燐。隨鍊隨攪。約十分鐘。後下硫黃。仍以柳枝如前攪和。倘鍋中火起。即以刷帚蘸陳醋灑息之。醋洒鍋中。即有一股難聞之藥氣沖起。人須稍稍遠立以避之。火起。即洒陳醋。隨洒隨攪。如此約十分鐘。撤去柴

火如鍋內發火。仍以陳醋洒之。候鍋冷。將藥刮出。研極細末。如有不能研碎之鉛渣。宜取出。勿用。此乃火候不到。或醋鍊不足也。約得廿八兩之譜。另以糯末拾貳兩。作成乾飯一大碗。糯末宜稍硬。否則藥下。即化成稀粥。不易搏丸。入藥末。搏和為丸。芡實大。乾後。每丸約重貳分。除手粘物。挂等消耗外。製成曬乾。約得丸藥卅六兩。

每服叁錢。白開水送下。服後不可卧倒。須畧坐片刻。俾藥直下入腹。以免吐出。無論病勢危劇。但能將丹入腹。少頃。病即若失。小兒酌減。發無不應。奇效異常。

賈君又立木瓜膏方。能舒筋活絡。止嗽化痰。寬胸利氣。並治血症及麻木不仁等證。且能避瘟。彼時姚府上下人等。日服此膏。無一病者。

生地

伍錢
酒炒

熟地

伍錢

當歸

肆錢

川芎

壹錢半

赤芍

伍錢

烏梅

壹兩

天冬

伍錢

金銀花

叁錢

麥冬

伍錢

陳皮

叁錢

半夏

叁錢

白茅根

壹兩

枳壳

叁錢

桔梗

叁錢

杏仁

壹錢半

鮮木瓜

叁斤

先將木瓜切片。熬汁去渣。再將葶藥熬汁去渣。然後二汁合煎成膏。每用壹湯匙。白開水調服。

(一六) 防疫法

貫衆 壹枚 白礬 少許

右藥浸於水缸內。逐日飲之。瘟疫不生。神法也。

(一五) 觀音救急丹 孕婦忌服。

專治男婦老幼急症。並癘螺痧。以及陰陽反錯。寒熱交爭。四時不正之氣。鬱悶成痧。猝然腸腹絞痛。吐瀉交作。或欲吐不吐。急用陰陽水將此丹點眼角。並臍內。鼻孔內。令其仰卧。即可痛止。病痊。如遇極重之證。用藥貳分。放舌夫上。陰陽水送下。功效極大。雖死至一時之久。亦可回生。

麝香

貳錢
伍分

硼砂

壹兩

畢撥

貳錢

真硃砂

陸兩

牙硝肆兩 明礬壹兩 神金貳百張 明雄黃柒兩

上梅片貳錢伍分 各研細末。秤準。合勻。裝瓶備用。

〔三〕霍亂證治

霍亂為最險要緊急之證。且其證分陰陽。陰證宜治以溫藥。陽證宜治以涼藥。設或辨證不清。而涼熱誤投。必兇危立見。即辨證清矣。而用藥涼熱不爽。亦未必能救其強半。是辨證用藥。為醫家第一要着。必須細心檢察。庶免誤事。

〔二〕若吐瀉轉筋。甚者脈閉。身冷如冰。而心中發熱。嗜飲涼水者。為陽證也。宜服急救回生丹。

頂好硃砂 壹錢半
粉甘草細末 壹錢

上冰片 叁分

薄荷冰 貳分

共為細末。分三次服。每四十五分鐘服一次。開水送下。溫服得汗。即愈。若初服即得汗者。後二次可徐徐服之。吐劇者。宜於甫吐後服之。

按急救回生丹。藥性雖涼。然善發汗。且善解毒。能使內伏之毒熱透表外出。而身之涼者。可溫。脈之閉者。可現。而况硃砂涼中含有熱性。加之冰片薄荷冰。發汗甚捷。服後無論新受之外感。久伏之邪氣。皆可由汗透出也。是以若果係湯

證霍亂。即放胆投以急救回生丹。必能回生。

(三)若不能斷其為陰為陽。即投以衛生防疫寶丹。

粉甘草 拾兩

細辛 壹兩半

香白芷

壹兩

薄荷冰

肆錢

冰片 叁錢

頂好硃砂

叁兩

各研細末。將前五味。水泛為丸。桐子大。陰乾。

不計

硃砂為衣。勿令餘剩。務使外皮堅實光滑。可不

走味。霍亂輕者。服壹百貳拾粒。重者。服壹百陸

拾粒。或貳百粒。開水送下。服一次未全愈者。可

繼續服至數次。二方皆宜服至全愈。然後停服。

按衛生防疫寶丹。藥性涼熱適均。初服下覺涼

繼則終歸於熱。因冰片、薄荷、冰，皆性熱用涼。况
細辛、白芷，原屬溫熱之品。是以此丹之妙用。在
上能清。在下能溫。且多服亦可發汗。無論霍亂
因涼因熱。用之皆效。並治一切暴病痧證。頭疼。
心惱。四肢作疼。泄瀉。痢疾。呃逆。治此症尤效若無病
者。每飯後服貳拾粒。能助消化。飯量加增。實為
健胃良藥。且每日服之。尤能預防一切雜證。如
口含數粒。省視病人。不受傳染。

(三)若吐瀉已極。奄奄一息。其勢將脫。為霍亂證之
脫疫者。非右方所能奏效。此時無論病因為涼

為熱。皆當急服急救回陽湯。

人參 捌錢 生山藥 壹兩 生杭芍 陸錢

赭石 肆錢 研細 山萸肉 捌錢 去淨核 炙甘草 叁錢

頂好硃砂 伍分 研細

先用溫熱童便。送服硃砂細末。再煎服前藥。

按此方人參復陽。山藥杭芍滋陰。山萸肉斂肝

氣之脫。此證吐瀉之始。肝木助邪侮土。吐瀉之極。而肝氣轉先脫。將肝氣斂住。而元氣可固。

炙甘草和中氣之瀉。赭石末引人參之力下行。

即以防其嘔吐。硃砂童便。交其心腎。陰陽俱補。

救脫回生

一、心中覺熱者。加天冬陸錢。

一、身涼脈不見。心中分毫不覺熱者。去芍藥。加烏

附子壹錢。

一、若心中猶覺熱。雖身涼脈閉。不可投以熱藥。

一、汗多者。炙肉可用至壹兩餘。務須去淨核。

一、方中人参。若用野臺參。即按方中分量。如用東

三省野山參。分量宜減半。另煎兌服。

一、此方當用於吐瀉既止之後。若其勢雖垂危。而

吐瀉猶未止。仍當審其涼熱。用前二方。以清內

毒。然後以此方繼之。其服藥距離時。約在半

點鐘以上。

以上三方。急救回生丹宜於霍亂之偏熱者。

衛生防疫寶丹宜於霍亂之偏涼者。

急救回陽湯宜救霍亂之將脫者。

按傷寒論之論霍亂。主於寒。且主於大寒。如理中加附子。通脈四逆。加人參。諸方。皆治大寒之藥也。然其各節中。多言惡寒。四肢拘急。厥冷。或吐利。汗出。或寒多。不用水。必其病象中現如此形狀。且脈象沉細欲無者。方可酌用傷寒論中諸方。以急回其陽。陽回之後。間有覺煩熱者。又

宜急服涼潤滋陰之藥。以善其後。然此等大寒證。並不多見。

至於霍亂之大熱者。則恒有之。其病之現象。吐瀉交作。脈微身涼。而心中則熱。而且渴。須臾難忍。嗜飲涼水。可放胆恣飲。新汲泉水。能有冰水飲之。或食冰塊尤佳。

飲後須臾吐出。又須再飲。俟熱渴漸愈。而吐瀉亦止矣。若無井泉水。與無冰之處。可用鮮梨片。或西瓜。蘸生石膏細末食之。

陰陽霍亂證辨及針灸法

上吐下瀉。兩腿筋抽。非轉筋也。四肢拘急也。狀似轉筋。陰陽之證皆有之。

眼窩青。唇黑。身涼。有汗。脈沉伏。身涼脈沉伏者。陽證亦間有之。

惡寒。身欲厚覆。初則腹疼。至吐瀉數次後。即不

覺腹疼。邪盛正衰。此陰證也。

身熱。始不終不惡寒。身無汗。脈沉緊。腹痛甚。邪正相爭。

嘔而不得上。出脹而不得下瀉。吐不能吐。瀉不能瀉。名乾霍亂。

此陽證也。

(甲)陰證。急以針刺尺澤。少澤。委中。禁十宣。

若吐瀉不止。刺中腕。水分。立愈。

(乙)陽證。急用針刺少商。委中。禁尺澤。

若腹痛不止。刺氣海。章門。足三里。即愈。

(丙) 純陰霍亂。分毫不覺熱者。可用大塊生薑切片。放臍上。薑片上再置艾葉團。如小棗大。灸之。其吐瀉轉筋。可立止。

(二) 霍亂靈方。無論寒熱霍亂通治。既簡便。極靈穩。

主治乾濕霍亂。無論寒熱均治。吐瀉交作。曰濕霍亂。欲吐不吐。

欲瀉不瀉。曰乾霍亂。即攪腸痧。

淨食鹽壹撮。用至壹錢為度。放刀上燒紅。或放飯鍋

中炙紅。刀、鍋均須洗淨。

透明白礬壹錢。或貳錢。研細末。至多用叁錢。

鹽與白礬放入碗中。用滾水沖化。即加井水和。

之。以篔攪勻。緩緩服之。神效。此方平淡而有奇功。幸勿輕視。

用一半滾開水。一半井涼水。和勻者。名曰陰陽湯。治霍亂吐瀉。大有神功。

此證切忌飲食米湯。或薑湯。至要。至要。

一。凡受暑昏暈。不省人事。服之。立可回生。

一。凡十指螺癩。四肢麻木。或吊脚轉筋。或嘔噁煩

悶。皆能救治。

一。若遇瘟疫霍亂。用淨黃土肆錢。先煎。取其澄清之水。加燒紅食鹽。白礬末。井水。和勻飲之。

取高阜黃色土。挖開數寸。便見潔淨黃土。若無高阜之處。即取造屋築路用之黃土。亦可代用。

此方以古單方之三而成一方。有調中消食。宣和陰陽。利氣定痛。澄清降濁。立止吐瀉。並解痧毒之功用。孕婦不忌。虛弱寒熱之體皆宜。

(六)急救霍亂經驗良方。歷年救活多人。幸勿漠視。

霍亂西名虎烈拉。中名瘧螺痧。初起時惡寒頭昏。胸中脹悶。繼而腹痛筋轉。吐瀉大作。手足麻冷。涼汗如雨。終則手指螺紋瘧陷。人事不知。無論冬夏秋。皆有此病。有吐而不瀉。或瀉而不吐者。又有吐瀉不出者。名曰乾霍亂。最為危險。治不得法。皆不能救。凡遇此症。斷不可與以飲食。

即米湯亦不可飲。最忌是薑。薑入口。即不救矣。

方用：白礬貳錢 溫水沖服。孕婦忌。

如確是霍亂。礬味即變成甜味。再服礬水。服至覺礬味為止。病即愈。如夜間無溫開水。即乾嚼礬塊咽下。亦可。雖極劇之症。皆立刻見效。

(三)鼠疫論治 節錄霍亂張壽甫先生著表中參西錄

鼠疫發生之初。原是少陰傷寒中之熱證。熱至極點。醞釀成毒。互相傳染。為害至大。

傷寒論少陰篇所載之證。有寒有熱。其寒氣侵人之重者。若當時直中於少陰。即為少陰傷寒。

之寒證。其寒氣侵人之輕者。伏於三焦脂膜之中。不能使人即病。而阻塞氣化之流通。暗生內熱。後因腎臟虛損。則伏氣所化之熱。即可乘虛而入腎。或腎中因虛生熱。與伏氣所化之熱相招引。伏氣為同氣之求。亦易入腎。於斯虛熱實熱。相助為虐。互傷腎陰。致腎氣不能上潮於心。心中煩躁。脈動微細無力。精神不振。而昏昏欲睡。且腎陰之氣既不能上潮。以濡潤上焦。則上焦必乾而發熱。口舌無津。肺臟因乾熱而欬嗽。咽喉因乾熱而作痛。此皆少陰之蕙證。均見於

少陰篇者也。

內經謂冬傷於寒春必溫病。此言伏氣化熱為病也。然其病未必入少陰也。內經又謂冬不藏

精。

腎臟之因也。

虛損春必溫病。此則多係伏氣化熱乘

虛入少陰之病也。其有未屆春令先發於冬令者。則為少陰傷寒。即係少陰傷寒之熱證。初得之。即宜用涼藥者也。其感春陽之萌動而後發及發於夏發於秋者。皆可為少陰溫病。即溫病之中有鬱熱。其脈轉微細無力者也。其名雖異。而治法則同也。

鼠疫之證。初起。其心煩躁。其脈不但微細。恒至

數兼遲。

間有初得病脈洪數者。乃鼠疫之最輕者。精神頹敗。閉目昏

昏。不但欲睡。且厭人呼喚。口舌不但發乾。視其

舌上。毫無舌苔。而舌皮乾亮如鏡。不但發乾。視其

痛。其肺燥之極。可至腐爛。嘔吐血水。

辛亥年。瀋陽發現此

證。病者垂危時。多嘔吐血水。由斯而論鼠疫。固少陰熱證之

至重者也。雖其成鼠疫之後。釀為毒菌。互相傳

染。變證歧出。有為結核性者。有為敗血性者。而

當其起點之初。大抵不外右之所述也。

(甲) 民國十年。瀋陽施君。年三十餘。患肺病鼠疫。神

識時明時。憤恒作讞語。四肢逆冷。心中發熱。思食涼物。小便短赤。大便數日未行。其脈沈細而遲。心雖發熱。而周身肌膚之熱度。無異常人。閉目昏昏似睡。呼之眼微開。此誠傷寒論少陰篇所謂但欲寐之景象也。其舌上無苔。乾亮如鏡。喉亦乾甚。且覺微疼。時作乾欬。此乃因燥生熱。腎氣不能上達。陰陽不相接續。故證象脈象如此。其為鼠疫無疑也。此證若燥熱至於極點。肺葉腐爛。欬吐血水。則不治矣。猶幸未至其候。當以潤燥清熱為主。又須助其腎氣。使之上達。與

上焦之陽分相接觸。而成坎離相濟之實用。則脈變洪大。始為吉兆。爰為疏方於左。

生石膏

卷兩
搗細

知母

捌錢

玄參

捌錢

生懷山藥

陸錢

野臺參

伍錢

生甘草

叁錢

右藥共煎湯。叁茶鐘。分叁次溫飲下。

按此方。即白虎加人參。又加玄參也。方中之意。用石膏以清外感之實熱。用山藥知母玄參。以下滋腎陰。上潤肺燥。用人參者。誠以熱邪下陷於少陰。遏抑腎氣不能上達。而人參補而兼升之力。既能助腎氣上達。更能助石膏以逐除下

陷之熱邪。使之上升外散也。且凡陰虛兼有實熱者。恒但用白虎湯。不能退熱。而治以白虎加人參湯。始能退熱。是人參與石膏並用。善生津止渴。故能立復真陰於邪熱熾盛之時也。

將藥三次服完。身熱脈起。舌上微潤。精神明瞭。惟大便猶未通下。內蘊之熱。猶未盡清。使將原方再服壹劑。大便通下。餘熱亦盡消矣。

按此證無結核敗血之現象。而有肺燥舌乾喉疼之徵。故名為肺鼠疫。

(乙) 又治一人。其病之狀況。大致皆與前證同。惟其

脈之沈細。及咽喉之乾疼。則較前證尤甚。仍投以前方。並用鮮白茅根煎湯。以之代水煎藥。及將藥煎成。調入生鷄子黃同服。服後效驗異常。因其能使水火既濟。故名其方。為坎離互根湯。

生石膏

參兩
搗碎

知母

捌錢

玄參

捌錢

生懷山藥

伍錢

野臺參

伍錢

生甘草

貳錢

生鷄子黃

叁枚

鮮茅根

肆兩
切碎

先將茅根煎數沸。視茅根皆沈水底。取其湯以之代水。煎方中前六味。取湯叁鐘。分叁次溫服。每服壹次。調入生鷄子黃壹枚。

此方比前方多鷄子黃。而又以茅根湯煎藥者。因鷄子黃生用。善滋腎潤肺。而茅根稟少陽最初之氣。其性涼而上升。能發起脈象之沈細也。其脈之微細者。變為洪大。而邪外透矣。維又服之。脈之洪大者。漸臻於和平。而病即全愈矣。

一、欬嗽者。加川貝母叁錢。咽喉疼者。加射干叁錢。
一、嘔吐血水者。加三七細末貳錢。犀角。羚羊角細末。各壹錢。三味和勻。分叁次送服。無財力者。但用三七亦可。

一大便不實者。宜斟酌緩服。若大便滑瀉者。非下

焦有寒。實因小便不利。宜先服滋陰清燥湯。

生懷山藥

壹兩

滑石

壹兩

生杭芍

伍錢

生甘草

伍錢

水煎服。

服後滑瀉止。再服坎離互根湯。並宜將方中石膏減為貳兩。生山藥倍作壹兩。緩緩與服。

如脈象間有不微細。遲緩而近於洪數者。乃鼠疫之最輕者。治以坎離互根湯。一服即瘳。

總之。此證燥熱愈甚。則脈愈遲弱。身轉不熱。若服藥後。脈起身熱。則病機已向瘳。乃吉兆也。

(丙)廈門回春院院長吳錫璜君發表鼠疫治法曰。

鼠疫。大畧分為腺鼠疫、肺鼠疫二種。疫菌傳播。危險萬狀。其為證也。先犯心臟。使心力衰弱。凡脈搏如絲。即為疫毒侵犯心臟。惟一之確據。其次體溫速升。頭痛眩暈。或作嘔吐。漸漸意識朦朧。陷於昏聩。讖語。狀態癡呆。行步蹣跚。眼結膜強度充血。舌帶白色。如石灰撒上。或污紫如熟李。頸腺、腋窩、大腿上。近陰處。起腫脹。疼痛劇烈者。三日即死。其神氣清者。可多遷延數日。尋常用方。有效有不效。茲將歷試有效者。列后。

王孟英治結核法

金銀花 貳兩 蒲公英 貳兩 皂刺 壹錢半

粉甘草 壹錢 水煎服

病初起。用此方合神犀丹。多服累效。

一、嘔者。去甘草。加鮮竹茹壹兩。若無鮮竹茹。可以淨青黛叁錢代之。

一、大便秘熱重者。加大黃叁錢。水煎。和神犀丹服。如仍不止。用藏紅花貳錢煎湯。送服真熊胆貳分。即止。

此方用蒲公英。金銀花。皂刺。合神犀丹。不但解毒。兼能解血熱。散血滯。實為治鼠疫結核聖藥。

一、若白泡疔。本方去皂刺。加白菊花壹兩。

一、若兼黑痘。用神犀丹。紫金錠。間服。

(丁) 達樵云。病者發頭疼。四肢倦怠。骨節禁錮。或長紅點。或發丹疹。或嘔或瀉。舌乾喉痛。間有猝然神昏。痰湧竅閉者。此係穢毒內閉。毒氣攻心。宜用芳香。辟穢解毒護心之品。辟穢驅毒飲主之。

辟穢驅毒飲

西牛黃

捌分
研沖

人中黃

叁錢

九節菖蒲

伍分

靛葉

壹錢半

忍冬蕊

伍錢

鮮者蒸露亦可野鬱金

壹錢

一、如見結核。或發斑。或生疔。加藏紅花捌分。單桃

仁參錢。熊胆肆分送服。

一、大渴引飲。汗多。加犀角、金汁。

一、神昏譫語。宜用至寶丹。或安宮牛黃丸。開水服。先開內竅。

此證初起。不可即下。審其口燥。神昏。熱熾。有下證者。先辟穢解毒。然後議下。每獲效。下法用大黃煮湯。泡紫雪丹伍分。良忌。早用大苦大寒。以致冰閉。

若脈道阻滯。形容慘淡。神氣模糊。惡核痛甚者。宜用解毒活血丹。參照(五)(八)惡核屬疫治法。

連翹 叁錢 柴胡 貳錢 葛根 貳錢 生地 伍錢

赤芍 叁錢 紅花 伍錢 桃仁 捌錢 川朴 壹錢
後下

當歸 壹錢半 甘草 貳錢 蘇木 貳兩 水煎服

一、輕證初起。每三點鐘服一次。

一、危證初起。每兩點鐘服一次。或合數劑煎膏。連服之。

一、或熱。或渴。或出汗。或吐血。加生石膏壹兩。鮮蘆根汁壹杯。和藥膏服。並多服羚羊角、犀角磨汁。

一、孕婦加桑寄生壹兩。黃芩壹兩。略減桃仁、紅花。

一、熱甚。口燥無津。脈象洪數。唇焦大渴者。用清瘟

敗毒飲

見溫熱

多服必效。

一、項腫者。俗名蝦蟆瘟。用普濟消毒飲。

見溫熱

多

服必效。

一、吐紅涎者。鮮蘆根取汁和服。

一、大便秘熱。加大黃叁錢。

按肺鼠疫毒侵臟腑。由口鼻傳入。而腺鼠疫亦是由口鼻隨呼吸之氣傳入。蓋人身之腺。為衛氣通行之道路。衛氣固與肺氣相貫通者也。其人若先有伏氣之邪在內。則同氣相招。疫毒即深入臟腑。其人若無伏氣之邪。毒由口鼻傳入。

即隨衛氣流轉。侵入腺中。發生毒核。宜用吳君所言消核逐穢解毒諸方。如非結核而毒氣內陷者。欲清熱兼托毒外出。仍宜用坎離互根湯。若其人肺鼠疫與腺鼠疫並見者。則消核逐穢解毒諸方。當與坎離互根湯並用。或審其緩急。而或先或後。接續用之。亦可。

鼠疫證。是由熱燥極點。釀成毒菌。致呈結核敗血證狀。無論何時何地。苟發生此病。必須嚴為防範。以免傳染。

(戊) 漢皋冉君雪峯所著鼠疫問題解決。謂水不濟

火則為陽燥。火不蒸水。則又為陰燥。火衰不交於水。固為陰燥。水凝自不與火交。亦為陰燥。鼠疫之病。乃陰凝成燥。燥甚化毒之為病也。

又謂。他證以脈洪數為熱進。微弱為熱退。而鼠疫則微弱為熱進。洪數為熱退。所論詳悉精微。無理不澈。無法不備。洵可為治鼠疫之南鍼也。

(己) 香山劉蔚楚君。治鼠疫結核之劇者。曾用麝香陸分。作十餘次。用解毒活血清火之藥煮湯。連連送下。絡通毒透而愈。

(庚) 樂州朱鉢文君。治鼠疫結核。方用

川大黃 伍錢 生甘草 伍錢

生牡蠣 陸錢

瓜蒌仁 肆拾粒 連翹 叁錢

水煎服。核消。病瘳。

(辛)廣東羅氏芝園。所謂鼠疫病狀。與(五)同。又謂：

核小色白。不發熱。為輕證。

核小而紅。頭微痛。身微熱。體微痠。為稍重證。

單核紅腫。大熱渴。頭身痛。四肢痠痺。為重證。

若陡見熱渴痛痺。四證。或初惡寒。旋見四證。未

見結核。及舌黑起刺。循衣摸床。手足擺舞。脈厥

體厥。與疫證盛時。忽手足抽搐。不省人事。面身

紅赤。不見結核。感毒最盛。壞人至速。皆至危證。

(治法)用古方如普濟消毒飲、銀翹散、毒散、近方如銀翹散、代賑普濟散等。雖皆能清熱解毒、而無活血去瘀之藥。用之多不效。惟王清任活血解毒湯最善。方亦與(五)(八)同。惟分量不同耳。

桃仁

搗錢
去皮尖

紅花

伍錢

當歸

壹錢半

川樸

壹錢

柴胡

壹錢

連翹

叁錢

赤芍

叁錢

生地

伍錢

葛根

壹錢

生甘草

壹錢

水煎服。

方以桃仁為君。而輔以當歸、紅花去瘀通壅。連翹、赤芍為臣。而兼以生地清熱而解毒。川樸、甘草為佐使。疏氣而和藥。氣行而血通。柴胡、葛根。

以解肌退熱而拒邪。邪除則病愈矣。

此證熱毒本也。瘀血標也。而標實與本同重也。

一、標本未甚者。原方可瘡。

一、標本已甚者。傳表宜加白虎。傳裏宜加承氣。

一、毒甚。宜加羚羊角。犀角。

一、如連追後。汗出熱清。可減除柴胡葛根。

一、毒下瘀少。可減輕挑仁。紅花。其他當隨證加減。

一、輕證。照原方日服壹服。

一、稍重證。日夜貳服。並加銀花。竹葉。各貳錢。

一、重證。危證。至危證。於初起惡寒。照原方服。並將

柴胡萬根各加壹錢

一。如口渴。微汗。加生石膏伍錢。知母叁錢。

一。若見大熱。初加銀花竹葉各叁錢。西藏紅花壹錢。危證加錢半。或加紫草叁錢。蘇木叁錢。

一。疔瘡。加紫花地丁叁錢。洋菊葉汁壹杯。沖服。

一。小便不利。加車前子叁錢。

一。痰多。加川貝母叁錢。生萊菔汁兩瓢。沖服。

一。若痰壅神昏。又非前藥可治。加鮮石菖蒲汁壹

瓢。沖服。鮮竹瀝兩瓢。

沖服。或礞石滾痰丸叁錢。色煎。

一。若見顛狂。雙劑合服。加重白虎。並竹葉心。羚羊

角犀角。西藏紅花。各叁錢。

一、血從上逆。見衄咯等證。加犀角。丹皮。各叁錢。鮮茅根。鮮蘆根。各肆兩。

一、見斑。加生石膏壹兩。知母伍錢。元參叁錢。犀角貳錢。

一、見疹。加銀花。牛蒡子。各叁錢。竹葉。大青葉。丹皮。各貳錢。

一、老弱幼小。急迫祇用單劑。惟日夜須貳服。如加石膏。大黃減半。所加各藥。小兒皆宜減半。

一、五六歲小兒。壹劑同煎。分貳次服。重危之證。壹

劑作壹次服。

一、幼小不能服藥。用鍼刺結核三四刺。以如意油調經驗塗核散。日夜頻塗十餘次。可愈。並煎藥一劑。頻頻灌之。以清內部熱毒。

一、婦女同治。惟孕婦加黃芩、桑寄生、各叁錢。以安胎。初起即宜急服。熱甚尤宜急追。熱久胎必墜。並將桃仁、紅花。改用紫草、紫背天葵、各叁錢。以免桃仁、紅花有墜胎之忌。宜下者不用朴硝。

經驗塗核散

山慈姑

叁錢

真青黛

壹錢

生黃柏

壹錢半

赤小豆蘇錢 浙貝母壹錢半 共研細末。

以上諸法俱從屢次試驗得來。證以強壯者為多。故於人屬強壯。毒盛熱旺。家資有餘者。於重危之證。可加羚羊角。犀角。西藏紅花。取其速效。茲再為貧者計。分別熱盛。毒盛。兩途。隨證加藥。亦足以治病。其鄉村及無大藥店處。亦資便利。

一、如初係熱盛之證。加生石膏。知母。淡竹葉。龍胆草。白茅根之類。便可以清熱。

一、兼有毒盛之證。加金銀花。牛蒡子。人中黃之類。便可以解毒。

一若熱毒入心色。加竹葉心。燈心。黃芩。梔子。麥冬。心。蓮子心。元參心。之類。便可除心色之熱毒。

一若熱毒入裏。加大黃。樸硝。枳殼。以瀉之。便可去腸胃之熱毒。如此變通。則貧者亦所費無幾矣。

(壬) 平澤李健頤君。著有鼠疫新編。論鼠疫之病。謂係有一種黑蟻。傳染於鼠。再傳於人。其中所載醫案治法。莫不精良。而遇此證之熱甚者。恒放胆重用生石膏。有一劑用至捌兩者。有治愈一證。而用至貳斤強者。可為有胆有識。爰錄其治愈之案一則。以為治斯病者之標準。

平潭蔡瑞春。年五十八歲。初起惡寒。旋即發熱。熱甚口渴。手足痺疼。胯下贅生一核。熱痛非常。胸脹嘔血。目赤神昏。脈數苔黃。因其先觸靛死鼠。毛竅大開。毒氣傳入血管。潛伏體內。復因外感春陽之氣而為引線。以致胃熱則嘔逆。肺傷則噴血。熱深內竄肺絡。肺與心近。影響阻碍。神不守舍。故昏迷譫語。此證涉危篤。急宜清胃瀉肺。攻毒解熱。重劑急進。庶能挽救。方用加減解毒活血湯。加石膏蘆根。應手奏功。

桃仁 伍錢

紫草 叁錢

赤芍 叁錢

金銀花 伍錢

連翹 叁錢

荊芥穗 叁錢

浙貝母 叁錢

生地黃 伍錢

藏紅花 叁錢

生石膏 貳兩
搗細

鮮蘆根 壹兩

雄黃精 壹錢

上冰片 伍分

將前藥十一味煎湯兩鐘分兩次溫服。後二味共研末分兩次用湯藥送服。

右藥連服二劑。嘔平血止熱退胸舒。原方減雄黃加錦紋大黃伍錢。以瀉胃中餘熱。服兩劑。瘡

(三) 防疫法

一、戒酒色。薄滋味。

素食最有益

慎風寒。早眠早起。勿

飲不潔之水。勿食腐敗之物。勿至人多氣濁

之處居室洒掃清潔。先洒水後掃。飲食器皿潔淨。

一、用貫眾、白礬、梛香、雄黃各壹大塊、石菖蒲壹撮、放入吃水缸內及井內、或放黑豆一撮。

一、用蒼朮貳兩、紅棗壹兩、芸香伍錢、梛香壹兩。

共研粗末、常於屋內燒之。

一、常食生白蘿菔、或將蘿菔切開、用鹽醃兩點鐘、香油拌食。

一、最好不入病家。如遇不得已入病家時、用香油調蒼朮末、雄黃末、塗鼻孔內、既出病家之後、用紙條刺鼻孔、取嚏、再飲雄黃酒壹杯。此

蒼朮末雄黃末宜時時調塗鼻內。可解穢氣。

一 痰氣盛行之時。用金銀花 貳錢。料豆 貳錢。

桑葉 壹錢。貝母 壹錢。貫眾 壹錢半。麥冬 壹錢半。

甘草 捌分。萊豆 伍錢。黑芝蔴 伍錢。先以有太

陽光地方。浮土一尺以下。取潔淨黃土貳兩。用清潔河水攪和澄清。去土用水煎藥服之。可以預防。

照以上各法行之。決無傳染之虞。無論何時何種疫氣。均可適用。

(三) 吊脚痧神效方。藥性猛烈。萬不可服。孕婦忌用。

霍亂。皆由寒邪鬱結。氣閉不通。而吐瀉交作。多利亡陰。血液枯涸。則筋脈攣結。手足拘牽。俗名吊脚痧。此症朝發夕死。夕發朝死。無論藥力不及。即重用猛烈之品。而熱劑剗陰。終於不救。此散藥雖猛烈。而由臍內納入。自能溫通臟腑。不致傷陰。屢試屢驗。識者珍之。

上桂心

剗錢
去皮

母丁香 壹兩

燒錢 伍錢

當門子 肆錢

生香附 壹兩

剗錢 共研細末。

每用叁分。納入臍眼內。外貼煖臍膏。一時即愈。按此症有寒熱之不同。此散宜於寒霍亂。醫者

務須審慎辨症用藥。其治之之法。有不_論寒熱
皆可用者。莫妙外治。取曲池穴。兩臂委中穴。兩腿
膝動以手蘸溫水急拍。紅筋高起。刺之出血。即愈。

(三)辟瘟丹

乳香 蒼朮 甘松 檀香 降香 川芎

細辛 各等分 共研末。棗肉為丸。芡實大。

凡遇瘟疫流行之年。常以此丹壹粒。於炭火上
燒之。不染瘟疫。久空之屋。燒之亦可解穢。

(三)霍亂拔毛法 霍亂痧脹疫癘惡證初起。宜細看
其髮。如有赤色者。急拔去之。再看胸背。如有長

毛數莖。必盡拔之。

〔高〕霍亂辨證。生黃豆細嚼。不覺豆腥味者。痧也。既可試病。亦解痧毒。其精神清而嚼薑不辣者。真寒證也。嘔吐必清。瀉必清。穀而非臭穢。小便清利。口不作渴。乃為寒證。

又有陽氣極虛之人。於大小便後。忽然欲脫。急宜參附回陽。若誤投痧藥。多致不救。慎之。

〔七五〕霍亂刮法。霍亂諸痧。皆由正氣為邪氣所阻。致氣亂於中。釀成閉塞之證。宜先取嚏。以開肺氣。繼以刮法。使邪氣外泄。病即痊癒。法以銅錢一

枚。蘸香油或清水。於項背、胸肋、兩臂灣、兩膝灣
徧刮之。刮出青紫泡。病立鬆解。背胸兩肋均宜
順沿骨縫重刮。
刮後一二小時內。勿與飲食。

〔三〕武侯行軍散 治一切痧疫症

西牛黃 叁分 麝香 叁分 梅片 叁分 大硝 壹錢

明雄黃 壹錢 硼砂 壹錢 飛全 叁拾張

共研細末。吹入鼻孔中。效驗立見。

〔七〕羊毛疔救急方

按此證係寒釀化火。火釀成毒。毒火所攻。痛徹
心髓。每有用針在背脊挑出紅筋。即愈。但挑不

得法。或挑斷不出。大有性命危險。法用蕎麥少許。以陳醋、黃酒調和成團。揉搓患處。麵團內即發現紅毛、綠毛。牽連不斷。此即羊毛疔。揉出之。徵驗。此法救活多人。幸勿輕視。

〔天〕五汁飲 預防溫症。極效。冷飲或隔水蒸微熱飲之。

梨汁、甘蔗汁、藕汁、蘿蔔汁、荸薺汁、和兌常服。

〔元〕桑菊葱豉飲 溫症初起。服之即愈。

冬桑葉 叁錢 菊花 叁錢 淡豆豉 壹錢半

葱白 叁寸 水煎服

〔八〕除溫化毒湯 溫症、咳症、統治。重症者。日服二劑。溫症治宜辛涼清解。最忌溫散。

粉葛根 貳錢

金銀花 貳錢

枇杷葉 壹錢伍分
去淨毛蜜炙

薄荷 伍分

生地 貳錢

貝母 貳錢
去心

桑葉 貳錢

小木通

捌分

生甘草 捌分

竹葉 壹錢

水煎服。

〔八〕預防瘟疫三豆飲 有功無害。其效偉大。

古云。兵燹之後。必有瘟疫。若再加天時不正。寒

燥無常。發現痘疹。咽喉。瘟疫等症。各家傳染。其

勢甚猛。必須預為防禦。庶免蔓延。三豆飲最妙。

赤小豆

陸錢

毛茛豆

柒錢

烏豆

叁錢

鮮蘆根

叁錢

水煎服。小孩可加白糖少許。

〔八〕蠲穢散

此散療治山嵐瘴氣。瘟疫時邪。煤熏斃命。炭氣傷人。等證。外逐風溼。穢惡之氣。內除臟腑氣血之濁。用法。每天不拘於時。將此散置於香爐內。一撮。燃着。烟透入鼻。自有效驗。倘遇煤薰之人。先以紅靈丹等藥取嚏。內用白開水沖服此散。貳叁錢。即可回生。並可清頭腦。寬胸腹。助精神。

蒼朮 捌錢

白芷 叁錢

細辛 叁錢

藿香 伍錢

降香 伍錢

菖蒲 叁錢

桔梗 叁錢

青木香 伍錢

川芎 叁錢

薄荷 叁錢

佛手 伍錢

真檀香 肆兩

另研末

將前十一味。共研粗末。分為五份。以五分之一。

加檀香末壹錢。和勻。以備內服。其餘五分之四藥末。合檀香末叁兩玖錢。和勻。燃燒。

(三)防毒氣防瘟疫靈藥。能避一切毒氣。瘟疫。神驗。

明雄黃 鬼箭羽 丹參 赤小豆 各貳兩

共為極細末。煉蜜為丸。硃砂為衣。如桐子大。每服叁伍粒。空心白水送下。再用

茅朮 貳兩半 白芷 壹兩半 羌活 壹兩半 細辛 肆錢

柴胡 捌錢 吳茱萸 壹兩半

共為末。於香爐內隨意焚燒少許。毒氣自消。另用黃布做袋。裝藥末伍錢。隨身佩帶。必要時。置

於口鼻上可避一切毒氣。

(六)辟瘴癘方

桃仁壹觔。吳茱萸青鹽各肆兩。同炒熟。以瓶密封七日。取出。揀去茱萸。並將桃仁去皮尖。每嚼壹貳拾枚。山居尤宜。

(六)霍亂簡便方

藿香伍錢 陳皮伍錢 淨黃土澄水二盞煎服。

又法病人背上若有黑點。用針一一挑破。血出。愈。

(六)霍亂轉筋方

藿香貳錢 蒼朮貳錢 柴胡貳錢 澤瀉壹錢

羌活 貳錢 木香 壹錢 神麩 叁錢 陳茶葉 叁錢

老葱連根 貳條 水煎服。輕者二劑即愈。重者四劑。

(六) 防疫簡便法可免一切瘟疫、喉症。

蘆根 伍兩 梨 伍箇 白蘿蔔 叁箇 青果 拾箇

綠豆 叁兩 煎水代茶飲之。

(六) 瘟疫流行救急良方。傳染時疫。頭眩嘔吐。不思飲食。昏迷不醒者。速服此方。

金銀花 叁錢 薄荷葉 貳錢 生地炭 貳錢

水煎。用上明雄叁分。研細末。沖服。上味砂伍分。

如素有胃寒者。再加製香附 貳錢。荆芥穗 壹錢。

桂元 叁枚。紅糖 半兩。為引。

(十九) 治口流清水奇症方

此症初得時。心中煩燥。惡心翻胃大嘔。少停復嘔。嘔後口流清水。極險症也。重者一小時。至多一晝夜。即不救。此症與平時嘔吐症不同。方用

上硃砂

壹錢
水飛

明雄黃

伍分

共研細末

先用藥末少許。吹病人鼻內。再用少許放舌上。開水送下。立瘳。但治愈早愈好。不可遲誤。

(二十) 救疫藥茶 孕婦忌服

專治四時不正之氣。憎寒壯熱。頭疼身痛。內傷飲食。胸中飽悶。腹痛。嘔吐。瀉利。以及霍亂發痧。

瘡痢。咳嗽氣喘。傷冷。傷溼。傷暑。山嵐瘴氣等症。

白芷 拾貳兩 蘇梗 拾貳兩 前胡 肆兩 蒼朮 貳拾兩

藿梗 拾貳兩 白鳥 貳兩 澤瀉 拾貳兩 半夏 貳拾兩

鬱金 叁兩 陳皮 拾陸兩 香菇 叁兩 扁豆 陸兩

川樸 拾捌兩 猪苓 肆兩 歸身 肆兩 甘草 拾陸兩

青蒿 陸兩 雲苓 拾陸兩 腹皮 拾兩 普耳茶 伍觔

各研粗末。和勻。每用肆錢。開水沖服。

(一) 仙傳黃金丹 方係尚書余文毅公。巡撫福建任內。得之。時閩瘟疫流行。此方活人十萬。

治一切寒熱暑濕時疫。感觸四時不正之氣。兼

治腹痛泄瀉。赤白痢。絞腸霍亂。斑痧。咳嗽等症。

真川連 貳兩肆錢

真川貝 陸錢

丁香 叁錢

乾薑 貳兩肆錢

廣陳皮 叁錢

草撥 陸錢

酒芍 貳兩肆錢

荊芥穗 叁錢

炒麥芽 叁錢

砂仁 叁錢

車前子 陸錢

右藥十一味。須選上好藥材。不可加減分量。共

研細末。用鮮荷葉搗汁為丸。如無鮮者。用乾荷

葉煎濃湯和藥為丸。慎勿用蜜。每料作貳百丸。

每丸約重五分。大人每服壹丸。小兒半丸。入口

嚼化。開水送下。病重者。每服貳丸。忌食魚蝦。

此方不偏寒。不偏熱。配合至妙。確能起死回生。

(元二) 純陽正氣丸 治霍亂吐瀉。肚腹痛疼等症。

官桂 雲苓 蘇葉 陳皮 藿香 清半夏

降香 丁香 生於朮 生蒼朮 廣木香

以上十一味。各重陸兩。用燈心壹兩貳錢。煎水

為丸。如小未大。八寶紅靈丹壹兩捌錢為衣。每

服玖粒。小兒減半。開水送下。孕婦忌服。病重者酌加。

(元三) 十滴水 第一方 此方是上海製十滴水第一一個原方。配合精密。效驗極大。

治霍亂吐瀉。受寒腹痛。惡心作嘔。白痢水瀉。及

一切痧症。每服十滴。病重酌加。溫開水和服。

大黃製酒 貳瓶 荳蔻製酒 貳瓶 辣椒酒 貳瓶

樟搗製酒 貳听 薑酒 貳听 薄荷酒 貳听

白蘭地酒 叁瓶 合勻。過濾裝小瓶。塞緊。備用。

按以上各藥。皆係泊來品。各已配製完備。其每瓶。每听重量。均有一定。並無大小之分。祇須照瓶數。听數。購買。合勻即可。

(一) 國藥配製十滴水方 主治功效如(一)(二)十滴水同。

扁豆 叁兩 丁香 半兩 厚樸 貳兩 香薷 壹兩

花椒 半兩 雲苓 叁兩 藿梗 叁兩 辣椒 壹兩

猪苓 壹兩 蒼朮 叁兩 乾薑 壹兩 澤瀉 貳兩

白芷 壹兩 陳皮 貳兩 腹皮 貳兩 乾燒酒 伍斤

右藥連酒裝入淨磁罈內。浸泡百日。打開過濾。去渣裝小瓶。塞緊勿使洩氣。每服壹酒盅。極效。如急用。將罈放入大鍋內。加滿水。煮沸一晝夜。涼透過濾。即可用。價廉易製。效大。誠良方也。

(元)五痢疾立效。飲老幼虛弱產婦皆宜服之。

治諸般惡痢。或赤或白。或膿血相雜。裏急後重。臍腹絞痛。或下五色。或如魚腦。日夜無度。或禁口不食。諸藥不效者。悉能治之。

川當歸

肆兩

炒甘草

水炒

赤芍藥

壹兩

酸榴皮

壹兩

炒地榆

壹兩

嬰粟殼

肆兩

炒黃

共研細末。每服貳錢。水煎去渣。空心或飯前溫服。小兒酌量大小減服。忌食生冷油膩魚腥。

(九)治紅白痢驗方

蒼朮 叁錢 木香 貳錢 厚樸 壹錢 茯苓塊 叁錢

檳榔 壹錢 焦查 叁錢 枳實 壹錢 法半夏 貳錢

桔梗 叁錢 陳皮 壹錢 建麩 壹錢 萊菔子 壹錢

白芍 叁錢 甘草 貳錢 生薑燈心為引。水煎服。

白多重用蒼朮。並加吳萸壹錢。

紅多加黃連壹錢。裏急後重加倍檳榔。

有表熱加羌活壹錢。柴胡壹錢。

又方。黑芝蔴研末。煮為糊。和蜜沖服。連食三日。即愈。如大便閉結。食之則通。大便洩瀉。食之則止。如覺腹痛。仍可繼續食之。此治痢疾之輕者也。

(一九) 治白痢方 脾有積寒傷氣。右關脈沈遲。唇舌色白。

人參 壹錢

白朮

貳錢
土炒

茯苓 貳錢

製半夏

壹錢半

陳皮 壹錢

木香 壹錢

甘草

壹錢

水煎服

(二〇) 治紅痢方 脾受暑熱傷血。右關脈數。唇赤。苔微黃。

葛根 壹錢半

苦參

捌分
酒炒

陳皮 壹錢

炒麥芽

貳錢

赤芍 貳錢

山查

貳錢

川連 伍分

陳松蘿茶

壹錢

又方。川連 伍分

酒苓 壹錢

當歸 貳錢

白芍 貳錢

山查 叁錢 甘草 伍分 桃仁 捌分 青皮 捌分

紅花 伍分 枳壳 壹錢 地榆 壹錢 檳榔 壹錢半

厚樸 壹錢半 以上二方均用水煎服。

(一九) 噤口痢方 上吐不得入。下痢不可止。故名噤口痢。

腹痛作痢。勻水難飲。胸中悶亂。人稱為噤口痢。

乃胃中溼熱之毒也。治法有次序。先用引胃湯。

人參 壹錢 黃連 叁錢 吳萸 叁分 菖蒲 叁分

茯苓 伍錢 共為細末。水調如稀粥。咽之。

右藥初咽必吐。吐後仍咽。漸漸受之不吐。將藥

服完。上下俱開門矣。後用清亂湯。二劑全瘳。

茯苓 叁錢 白芍 壹兩 黃連 壹錢 廣木香 伍分

甘草 壹錢 枳壳 壹錢 木通 壹錢 車前子 伍錢
布包

又方。人參 伍分 黃連 伍分 薑汁炒 萹蒲 柒分 丹參 叁錢

蓮子 壹錢半 茯苓 壹錢半 陳朮 壹撮 冬瓜仁 壹錢半
去壳

荷蒂 貳箇 陳皮 壹錢半 水煎服。

(二) 紅白痢通治法

痢疾之證。多起於暑天之鬱熱。而又感以水溼之氣而成。紅白相見。如血如膿。甚者如屋漏水。如魚凍水。裏急後重。崩迫痛疼。欲下不能。不下不快。一日數十行。或一夜數百千行。方用

白芍 叁兩

當歸 叁兩

枳壳 叁錢

萊菔子 壹兩

檳榔 叁錢

甘草 叁錢

車前子

叁錢
布色

水煎服。一劑即止。二劑全瘳。

○援絕神丹 治紅白痢。腹痛或不痛。裏急後重。神效。

白芍 貳兩

當歸 貳兩

枳殼 貳錢

滑石粉 叁錢

檳榔 貳錢

木香 壹錢

甘草 貳錢

萊菔子 壹錢

右水煎服。一劑輕。二劑止。三劑全瘳。

〔三〕血痢腹痛方 腹痛者。因大也。

證因脾土之溼。又加暑熱暗侵。瓜果肉傷所致。

肝木凌侮脾土。方用

歸尾 壹兩
黃連 叁錢
枳殼 貳錢
廣木香 貳錢

白芍 壹兩
甘草 壹錢
萊菔子 貳錢
水煎服。

二、痢疾腹不痛方 腹不痛因寒也。

白芍 叁錢
當歸 叁錢
枳壳 壹錢
萊菔子 壹錢

檳榔 壹錢
甘草 壹錢
水煎服。至瘳乃止。

二、治痢靈效方 奇效異常

黃連 捌分
竹葉 貳錢
於朮 伍分
苦杏仁 壹錢

薄荷 捌分
木香 伍分
枳壳 壹錢
薏苡仁 壹錢

查炭 貳錢
甘草 捌分
水煎服

二、紅白痢靈方 屢試屢驗。惟原方用糖稍多。可以酌減。

檳榔 叁錢 紅棗 柒箇 生薑 叁錢 好茶葉 叁錢

紅糖 叁錢 白糖 叁錢 核桃 伍箇 燒熟去壳

水煎服極效 久痢者加椿樹皮 叁錢 香椿樹生於潔淨處向陽之皮

(六)痢疾良方 不論紅白痢。肚痛。裏急後重。日雖數十行。服二三劑。即愈。

油當歸 叁錢 赤茯苓 叁錢 白茯苓 叁錢

萊菔子 伍錢 生白芍 叁錢 車前子 叁錢 布包

枳實 壹錢半 生甘草 壹錢半 檳榔片 叁錢

廣木香 壹錢 水煎服極效。

(七)痢疾簡便方 單方治大病。未可輕視。且鄉村間買藥不便。及無力買藥者。尤稱便利。

一、扁豆花煎湯。紅糖沖服。紅痢用紅扁豆花。白

痢用白扁豆花均效。

二焦山查

伍錢

茶葉

貳錢

車前子

伍錢

煎湯

紅

糖沖服。如白痢用白糖沖服。即瘡。

三、蘿蔔搗汁。紅痢加紅糖。白痢加白糖。溫服。極

效。如噤口痢服之。更有神效。

四、蘿蔔纓水煎湯汁。共食之。立瘡。

少加糖亦可。祇飲湯亦可。

按蘿蔔纓製法。於冬至日將蘿蔔連根葉置

於屋上。或用繩挂於樹上。任其風霜雨雪日

晒。至清明節前後收下。其內香鬆如纓。故名

曰蘿蔔纓。或於盡九日

即立冬日起。九

取下。

又名九九蘿蔔。治痢甚效。並治傷風咳嗽。及咽喉痛疼。此為尋常家庭常備之良藥也。

五、生薑壹兩。細茶伍錢。河水煎服。紅白痢皆效。

六、大蒜煨熟。去皮。和糖食之。亦效。

七、黃瓜葉炙焦。研末。陳酒沖服。若紅痢尤效。

(六) 治腸紅良方。大腸熱結。下紅痢。或便血。

核桃與帶霜柿餅同食。即瘳。

又方。苦參子柒粒。用桂圓肉色。每晨空心開水吞服。七日即效。小兒用苦參子叁粒。

(二) 元痢疾水瀉通治方。百發百中。奏效如神。

杏仁柒拾壹粒
去皮尖去油研 茅蒼朮陸兩
淘米水浸炒研 羌活肆兩
炒研

綿紋大黃壹兩
炒研 川草烏壹兩
麩裏煨熟炒研

右藥末共一處再研極細。和勻。裝磁瓶。勿洩氣。

每服叁分。小兒減半。孕婦忌服。

赤痢。燈心。淡薑湯下。 白痢。濃薑湯下。

赤白痢。淡薑湯下。 水瀉。濃薑湯下。

均宜空心服。忌食生冷。麩食。油膩。煎炒。發物。

二。寒證水瀉方寒瀉多見。

脾氣不溫。為水氣所侵。大下清水。方用

白朮壹兩 車前子伍錢
布包 水煎服一劑立效。

〔三〕大證水瀉方大瀉不多見。

大下如瀑。腹中疼痛。肛門後重者。大瀉也。方用

人參叁錢 白芍叁錢 檳榔壹錢 車前子壹兩
布包

甘草壹錢 水煎服

雷公曰。大瀉之後。雖是大瀉。畢竟宜溫補之。以生其陰。瀉止。即宜用四物湯加人參炮薑。以溫補之。不可謂水瀉忌滑。而禁用歸熱也。

〔三〕久瀉不已方

久瀉不已。必多亡陰。陰亡而陽亦脫。若不急為止塞。則陰絕陽亡。可立而待。方用分水神丹。

白朮伍錢 茯苓叁錢 車前子壹錢 北五味壹錢

吳茱萸伍分 酸棗仁壹錢 水煎服。

(三) 寒火大瀉證辨大瀉證多見於夏秋之間。然有大瀉之異。治法不同。不可不辨。

(甲) 大證大瀉：日下數十百行。傾腸而出。完穀不

化。飲食下喉即行瀉出。瀉下如火。後重。肛門腫

痛。腹痛拒手按。口渴。舌燥。甚則生刺。苔黃灰黑。

(乙) 寒證大瀉：日下數十百行。傾腸而出。完穀不

化。飲食下喉即行瀉出。此皆與大證情形相似。

惟口不渴。即渴亦不十分喜飲水。舌苔必白滑。

而不燥。腹痛喜手按。此與大證所異者也。

三、寒證大瀉治法 因寒大瀉多見。

法當急用補氣之藥。以生其胃氣。佐以分消之品。方用止瀉定痛丹。

人葎壹兩

白朮叁兩

附子

壹錢

肉桂心

貳錢

茯苓壹兩

澤瀉叁錢

猪苓

叁錢

水煎服。

此方即五苓散加人葎也。妙在用葎至一兩。始能挽回垂絕之地。佐白朮茯苓以去水溼之氣。又有桂附以補命門之火。使火熱以生脾土。而膀胱氣化。水道可通於故轍。况更有澤瀉猪苓以分消其水勢。自然大便實而寒邪去也。

三五火證大瀉治法因熱大瀉少見。

此證乃大挾邪勢將膀胱脾中水穀盡驅而出腹必大痛手不可按證狀已詳(三)若不急用大劑治之而尚王道之遲遲鮮不敗事方用

大黃壹兩

人蓂貳兩

黃連伍錢

車前子

正錢布色

甘草壹錢

水煎服。

又方。水瀉證寒瀉易治。火瀉難醫。一日夜瀉至數百次者。完穀不化。所瀉如火之熱。肛門腫痛。此亦千百人中偶以見之。急用截瀉湯救之。

薏仁貳兩

人蓂叁錢

白芍貳兩

車前子

壹兩布色

黃連 叁錢 茯苓 伍錢 甘草 貳錢 山藥 壹兩

肉桂心 叁分 研末沖服 水煎服。二劑瀉止。

瘡後用六君子湯調治脾胃。此證若認作氣虛而止塞之。則火益旺。勢益急。此方乘勢而利導之。則水氣分消。火勢自散。所以奏功也。

又方。法取壯水以制火。用壯水湯。

熟地 叁兩 甘草 壹兩 茯苓 壹兩 山茱萸 壹兩

白芍 叁兩 車前子 壹兩 肉桂心 叁分 研末沖服 水煎服。

此方乃補腎之湯。非止瀉之藥。然止火瀉之妙。捷如桴鼓。蓋腎水一生。腎火即降。頃刻應驗。

(二六) 瘧疾治法

瘧疾初起。為肝寒之症。左關脈必沈遲。寒熱往來。將化瘧也。至左關脈浮而且弦。乃膽經表症。寒熱往來。已化瘧也。治法以小柴胡湯主之。

柴胡 貳錢 赤芍 貳錢 甘草 壹錢 法半夏 壹錢

黃芩 壹錢半 人蔘 伍分 生薑 貳片 大棗 叁枚

按瘧疾初發。不可驟用常山。草果等藥截止。以免留邪不出。變生他症。宜瘧發三次後。用西藥金鷄納霜丸叁粒。於發瘧時前一點鐘。開水送下。甚效。浙江所產之金鈕草。煎湯服之。更效。

(三) 瘡疾經驗方

真川貝母

陸兩
去心

生半夏

肆兩

右研極細末。用銅鍋微火炒至嫩黃色。冷透。裝入磁瓶。勿令泄氣。每服壹分半。用生薑汁貳匙和藥。隔水燉熟。瘡未來先一特服下。即瘡。重者再服一次。瘡後戒食發物。南瓜、芋艿、鷄蛋等。二三月。以免復發。

(六) 雷公治瘡方

人葎

伍錢

白朮

壹兩

青皮

壹錢

柴胡

壹錢

半夏

叁錢

水煎服。

〔元〕久瘧不已治法

瘧疾連朝累月。終歲經年而不瘳。或已止而又發者。邪氣久踞。乃正氣虛甚也。法當重補其正而末治其邪。方用

熟地

伍錢

鱉甲

伍錢

白朮

伍錢

何首烏

伍錢

當歸

伍錢

人蔘

叁錢

甘草

壹錢

山茱萸

肆錢

柴胡

壹錢

半夏

壹錢

桂心

伍分

水煎服。

此方熟地、歸、芎、補陰血。蔘、朮、健脾。加鱉甲以入陰分。加首烏以補陰氣。加半夏、柴胡。少去其痰與邪。則正氣有餘。邪自退舍矣。

(三) 瘡疾變痢治法

瘡疾轉痢。是輕證變重也。方用補陽消瘡丹。

人蔘

壹兩

白朮

叁兩

茯苓

壹兩

當歸

壹兩

白芍

叁兩

柴胡

壹錢

枳壳

壹錢

檳榔

壹錢

鱉甲

壹兩

水煎服。

瘡疾亡陽。下痢亡陰。此方用蔘朮補陽。則陽生陰長。用歸芍滋陰。則陰生陽降。枳壳檳榔去積。柴胡舒肝。木安不來剋土。土旺剋水之多。內氣既生。外邪亦散。此下治痢而瘡病同除也。

(三) 瘡疾外治法

全班蝥一箇。置於脊背大椎骨下。斑蝥嘴對準
骨縫中。用小膏藥貼住。過三小時。揭去膏藥。取
下斑蝥。其貼處必起水泡。用銀針挑破。擦淨毒
水。即瘡。或由脊背第一椎骨縫用指向下逐椎
重按。如覺酸痛之處。即將斑蝥貼於斯處。甚妙。
又方。巴豆一顆。剖開取仁。叁肆粒。搗爛。放在膏藥中
間。當瘡未發二小時前。貼背後第三脊骨上。待
瘡發過。取下。奇效。惟巴豆切忌入口。慎之。慎之。
慨自七七事變以來。士兵平民死於炮火之下者。
不可數計。演盡人間之慘事。造成人類之浩劫。古

云。兵燹之後。必有瘟疫。嘗聞淪陷區域及接近前方各地。近年患痢疾。瘧疾者甚多。而療以治痢治瘧之常法。多不奏效。究其因由。恐有疫癘之氣雜於其間。成為疫痢。疫瘧。治之者。似宜於常方之中。審其虛實寒熱偏濕扶暑之外。再酌加解毒逐穢之品。庶易收功。然也。否也。質疑高明。編者謹註。

(三) 大汗不止方 華陀重治法

人蓯

肆雨

麥冬

春雨

生地

氣雨

北五味

參錢

水煎服。一劑汗止。如無力買蓯者。方用

黃芪

春雨

當歸

氣雨

麥冬

氣雨

北五味

參錢

桑葉拾肆片

水煎服一劑。汗即止。

又方。大汗不止。陽氣盡隨汗出。若不急為止抑。則陽氣立散。不可救也。法當大補。方用

人參

壹兩
或用黃芪代之

當歸

壹兩

北五味

壹錢

桑葉柒片

水煎服。

(三) 大汗亡陽治法 雷公方

無論有病無病。一旦汗如雨出不肯止者。名曰亡陽。汗盡只有氣未絕。最危證也。急宜氣血雙補。而重補其氣。氣足則陽生。陽旺而陰亦生矣。

人復壹兩

麥冬壹兩

黃芪壹兩

北五味參錢

當歸 伍錢 熟地 壹兩 棗仁 伍錢 甘草 壹錢

右水煎服。一劑汗收。四劑氣復而身健矣。

(二四)陰寒大吐方

手足厥逆。小腹痛不可忍。大物熨之少快。乃寒邪中腎。將脾胃之水挾之盡出也。方用

附子 壹箇 白朮 肆兩 乾薑 叁錢 肉桂 心 壹錢

人葭 叁兩 水煎服。

(二五)火邪大吐方

飲水呃逆不止。乃火邪之吐證也。方用

人葭 壹兩 梔子 叁錢 黃連 叁錢

右各為末。米糕水調勻。少少服之。若吐再少少服之。自不吐矣。吐則傷胃氣。以人參救胃氣也。

(三) 嘔吐治法 雷公方

一時嘔吐。小證也。然傾胃而出。胃氣必傷。胃氣受傷。多致不救。此證有火有寒。火吐者。隨痰而出。寒吐者。純是清水。以此辨之。火吐宜清火。不可降火。降則引入脾。而流入大腸。必變為便血證。寒吐宜却寒。不可降寒。降則寒引入腎。而流入膀胱。必變為遺溺證。茲酌定三方。

一治火吐方。水煎服。一劑吐止。

甘草

茯苓 壹兩
人蔘 貳錢
砂仁 叁粒
黃連 叁錢

三治寒吐方。散寒健脾。奏功如響。

白朮 貳兩
人蔘 伍錢
附子 壹錢
乾薑 壹錢

丁香 叁分
水煎服。一劑吐止。

嘔吐又方。嘔吐之證。非胃虛。乃腎虛也。無論食入即出。是腎之衰。凡吐證皆是腎虛。故治吐不治腎。未窺見病之根也。方用

人蔘 叁錢
白朮 伍錢
薏仁 伍錢
吳茱萸 伍分

芡實 伍錢
砂仁 叁粒
水煎服。

(三七)大渴飲水汗如雨治法

此證乃陽明胃火也。一日不治。即熬乾腎水而不可救矣。方用人蓯竹葉石膏湯。

生石膏 壹兩

知母 叁錢

麥冬 伍錢

甘草 壹錢

粳米 壹合

竹葉 百片

人蓯 叁錢

水煎服。

按石膏可向壹兩用至叁兩。看火勢大小酌用。

(三六)大渴飲水無汗治法

此證乃腎火有餘。而腎水不足也。方用

熟地 貳兩

麥冬 貳兩

玄參 壹兩

山茱萸 貳兩

北五味 叁錢

水煎服。

(三九)吐血良方

鮮白茅根

肆兩
白嫩者去心

馬蘭頭

肆兩
連根

湘蓮子

肆兩

紅棗

肆兩

先將茅根馬蘭頭洗淨。同入鍋內。濃煎二三次。濾去渣。再加入湘蓮紅棗入罐內。用文火燉之。晚間臨睡時取食壹兩。食完即愈。

(二)

治肺結核驗方

獨頭蒜。剝去老皮。放入沙鍋內。加水壹茶盞。燉熟。早晨空心。午間飯後。夜晚睡前。日食三頭。輕者。一箇月即效。重病。百日必瘳。

按獨頭蒜。即係大蒜。不分瓣者。性補勝於人蔘。

其辛辣之氣殺菌最力。治肺結核病極效。雖病已至三期。中西醫認為不治者。食之亦可回春。

(三) 治吐血靈方 不論新舊吐血。應效如神。

(甲) 全當歸 貳錢 白茅根 壹兩 佛手乾 壹錢半

杭白芍 壹錢 炙甘草 壹錢 代赭石 叁錢

旋覆花 壹錢 藏紅花 捌分 本色玄胡 壹錢半

藕節 叁錢 川芎 貳錢 桔梗 壹錢

茜草 貳錢 雲苓 貳錢

水煎加重便壹盅沖服。服後不宜動作。務須靜養多日。最忌遷怒。動氣。操勞。病者慎之。

(乙) 蘿藦貳拾肆兩。削去根皮。加明礬叁分。搗爛。取汁去渣。再加冰糖貳兩。調和。將汁燉熟。飲之。立效。並可除根。

(丙) 蠶豆花陰乾研末。每用伍錢。煎湯久服。極效。

(三) 猝然吐血急止方

蠶豆嫩梢拾枝。每枝長貳寸。或連花及葉亦可。煎湯飲之。立瘳。

(三) 虛癆嗽血方

扁柏葉 肆兩

白茅根 肆兩

共搗爛。取汁。

馬蘭頭根 肆兩

大紅棗 壹斤

和汁熬煎。

右熬至汁收棗內。每晨空心食棗叁枚。久食瘡。

(三四)吐血奇方

江張冰若患吐血三年不瘡。已酉秋在鎮江逆旅見壁上貼此方。服之霍然。

鮮梨

壹箇
去核留皮

鮮藕

壹斤
去節

鮮荷葉

全張去蒂
春冬用乾葉亦可

柿餅

壹箇
去蒂

大棗

拾箇
去核

鮮白茅根

壹箇
去心

右共煎。代茶飲。數月即愈。愈後每逢四立二至二分。先一日煎服。永不復發。

(三五)吐血咯血治法

(甲)肺熱吐血。右寸脈必數。服四生丸。犀角地黃湯。

生地黃 生荷葉 生側柏葉 生艾葉

右藥各等分。同搗極爛。為大丸如鷄子。每服壹

丸。水煎去渣服。

犀角花 壹錢半

丹皮 壹錢半

麥冬 壹錢半

生白芍 壹錢半

生地 肆錢

水煎服。

(乙) 肺虛咯血。右寸脈必細。初用四生丸。兼用

生地黄湯。

生地 叁錢

牛膝 壹錢

丹皮 壹錢

黑山梔 壹錢

丹參 壹錢

元參 壹錢

麥冬 壹錢

芍藥 壹錢

鬱金 柒分

荷葉 柒分

廣三七 柒分

水煎。

加陳墨汁。清童便。各半杯。沖服。

(丙) 胃熱吐血。右關脈必洪數。唇舌皆紅。口出臭氣。

胃火迫血妄行。治宜白虎湯主之。

生石膏伍錢 知母叁錢 梗米壹撮 生甘草貳錢

水煎服。若熱甚者倍之。

(二) 肺癰肺痿治法

肺癰乃肺實之症。右寸脈必有力。胸膈隱隱作痛。吐痰腥臭帶血。治宜桔梗湯為主。

桔梗壹錢 白芨捌分 橘紅捌分 甜葶藶捌分

甘草壹錢 貝母壹錢 葭仁伍錢 金銀花伍錢

肺痿乃肺虛之症。右寸脈必細弱。大劑金而葉焦也。治宜五痿湯加天冬百合主之。

人蔘 壹錢
白朮 壹錢
茯苓 壹錢
炙甘草 肆分

苡仁 叁錢
麥冬 貳錢
黃柏 伍分
當歸 叁錢

知母 伍分
天冬 壹錢
百合 貳錢
水煎服。

(二十七) 治鼻衄方

(甲) 茜根 貳錢
黃芩 貳錢
生地 貳錢
側柏葉 貳錢

甘草 壹錢
水煎服。

(乙) 白茅根。鮮者尤佳。煎湯服。每服伍錢。即止。

(丙) 蒲黃壹兩。真青黛壹兩。水調成膏。貼耳後。

(丁) 韭菜搗汁。蒸微溫服。其效無比。

(二十六) 胃病與脾病辨

胃與脾雖同屬土。而胃屬足陽明。脾屬足太陰。陰陽有別。治法不同。宜細辨也。

一、能食而食之不化者。乃胃不病而脾病也。治當補脾。而補脾尤宜補腎火。蓋腎火能生脾土也。

二、不能食。食之而反安。然者。乃胃病而非脾病。不可補腎火。當補心中之火。蓋心火能生胃土也。

其凡不能飲食者。未可統曰脾胃病。須知胃之寒虛。責之心。脾之寒虛。責之腎也。

〔三〕 反胃嘔吐治法

甲) 飲食入胃即吐出者。乃肝木剋脾土也。以透選

散加製黃連治之。隨手而瘳。

當歸 白芍 茯苓 焦白朮 製黃連

柴胡 各壹錢 炙甘草 伍分 水煎服。

按製黃連法

係黃連、吳茱萸、等分。用熱水拌溫，焙二三日。同炒焦。去萸，用連。

(乙) 反胃。有食入而即出者。因腎水虛不能潤喉。故喉燥而即出也。有食久而反出者。因腎火虛不能溫脾。故脾寒而反出也。是治反胃證。當治腎。並辨其有火無火之異。茲定二方於后。

一、治有火而反胃。即食入即出者也。用水煎服。

熟地 貳兩 山藥 壹兩 澤瀉 叁錢 山茱萸 伍錢

丹皮 叁錢

茯苓 伍錢

麥冬 伍錢

北五味 壹錢

一治無火而反胃。即食久反出者也。用水煎服。

熟地 貳兩

附子 叁錢

茯苓 叁錢

山茱萸 壹兩

澤瀉 叁錢

丹皮 叁錢

山藥 陸錢

肉桂心 叁錢

(丙)反胃多是腎虛無火。故食久即出也。因腎寒而

脾亦寒。脾寒不能化。必上湧而吐。方用定胃湯。

熟地 叁兩

山茱萸 貳兩

肉桂心 叁錢

茯苓 叁錢

右水煎服。一劑吐止。十劑全瘳。如係食入即出

者。方中去肉桂心。另加麥冬壹兩。北五味壹錢

水煎服。極效。此二方。全是大補腎中水火。並不治胃。而勝於治胃多也。

(二) 反胃變噎膈證治

(甲) 水虧證。食下即吐者乃腎虛而真陰之水竭也。

證屬腎火。法當大補腎水救之。用轉食至神丹。

熟地 壹兩

麥冬 叁錢

玄參 壹錢

山茱萸 肆錢

當歸 叁錢

羊膝 貳錢

北五味 壹錢

白芥子 壹錢

右水煎服。每日一劑。連服至瘳。

(乙) 火虧證。食久而吐者。如今日食之。明日吐出。或

朝食暮吐。暮食朝吐。乃腎虛而真陽之火盡也。

證屬腎寒。當補命門火以生脾土。用八味丸湯。

熟地 壹兩

附子 壹錢

麥冬 叁錢

肉桂心 壹錢

茯苓 貳錢 山藥 貳錢 丹皮 壹錢 山茱萸 肆錢

澤瀉 壹錢 芩膝 壹錢 北五味 壹錢 水煎服至瘡。

(丙) 外臺秘要云。膈證有五。憂氣志熱寒也。食入即吐。或稍停即吐。或朝食暮吐。或暮食朝吐。或胸如刀割。或真如羊矢。立有五膈丸方。

麥門冬 拾分 遠志 陸分 附子 陸分 乾薑 陸分

肉桂心 陸分 人參 陸分 蜀椒 陸分 細辛 陸分

炙甘草 拾分 搗細過篩。蜜和丸。如彈子。

每用壹丸。著牙齒間含化。稍稍嚥汁。日叁丸。夜壹貳丸。七日可瘡。廿日平復。若不能含者。可以

壹大丸。分作數十小丸。盡服之。能含化。最妙。

夏月合丸。加重麥門冬。甘草。人參。神良。

忌食猪肉。生菜。海藻。菘菜。生葱。如食生菜。便發。

(丁) 如因驟受驚憂。厥陽陡升。廢食。不便。消渴。心熱。

嘔吐涎沫。喜食酸甘者。乃肝陰胃汁。枯槁殆盡。

難任燥藥通關。胃屬陽土。宜涼宜潤。肝為剛臟。

宜柔宜抑。酸甘雨濟其陰。肝舒胃潤。立待方用。

麥冬汁 烏梅肉 鮮生地 真阿膠

生白芍 人葎

(戊) 如因操持太過。三陽燔燥。燂津。大便不爽。腕不

納食者。乃胃汁漸枯。胃氣不能下行也。方用

麥門冬 鮮生地 柏子仁 甜杏仁

黑芝蔴 杜蘇子 松子仁 各為汁漿。

水浸布包絞汁。濾清。燉自然膏。

(已) 如因過食辛熱。病食。噎不下膈。即吐出者。乃味

過辛熱。肝陽有餘。肺津胃液。皆奪。為上燥。以致
上焦之氣不化。津液不注於下。大便艱澇。方用

麥冬 麻仁 鮮生地 甜水梨

桑葉 甘草 生石膏

按噎膈症。方書皆謂胃槁。而胃為水穀之海。不

應枯槁。其所以槁者。多因傷中傷飽。致脾胃間之絡脈絕也。麥門冬主治傷中傷飽。胃絡脈絕。為治噎膈之聖藥。以上四方。第一方載於外臺祕要其餘三方。載在臨症指南。均以麥門冬為主藥。病反胃噎膈者。寒多則外臺之方。已足為法。熱多則葉氏之方。亦極周全。至其因腎中水火虧虛。病源病變。不及備錄。參閱原書可也。

〔四〕心胃氣痛良方。孕婦忌服。一方有肉桂心伍分。

嵩治九種心胃氣痛。因寒而痛者。更妙。

五靈脂 貳錢
公丁香 肆分
不見火研末 子紅花 貳錢

廣木香

肆分
不見火研末

枳壳

貳錢

巴豆霜

肆分
去淨油研末

明雄黃

肆分
飛淨研末

白胡椒

肆分

右藥冬研細末。秤準分兩。和勻。再共研極細。收貯磁瓶。勿令洩氣。每服伍厘。男以左手心。女以右手心。盛藥。用舌尖舐咽下。兩點鐘以內。不可飲茶飲水。不論遠年近日之病。服叁次。即瘡。

（三）寒熱心痛辨治

寒氣侵心而痛者。手足反溫。大氣侵心而痛者。手足反冷。

（甲）寒邪心痛惡寒。見水如仇。手大燠之則快。終年累月而不瘡。乃寒邪干犯包絡也。法宜散肝木之寒邪。則包絡之邪自消矣。方用定痛至聖丹

蒼朮 貳錢

白芍 伍錢

當歸 壹兩

肉桂心

壹錢

良薑 壹錢

水煎服。

又方。名散寒止痛丹。治寒邪侵心而痛。極效。

良薑 叁錢

白朮 叁錢

甘草 壹錢

肉桂心

壹錢

蒼朮 叁錢

貫眾 叁錢

水煎服。

(乙)熱邪心痛呼號。見水喜悅。手按之痛轉劇。不能

安於牀席者。乃熱邪干犯包絡也。法宜瀉肝水

之鬱熱。則包絡之火自衰矣。方用解熱至聖丹。

白芍 壹兩

甘草 壹錢

當歸 叁錢

炒梔子 叁錢

生地 伍錢

陳皮 捌分

水煎服。二劑即安。

又方。名瀉火止痛湯。治熱邪侵心而痛。極效。

炒梔子 叁錢 甘草 壹錢 白芍 貳兩 半夏 壹錢

柴胡 壹錢 水煎服。

(丙) 寒熱心痛通治。方名心肝雙解飲。

白芍 伍錢 當歸 伍錢 水煎服。痛立止。

右治熱邪加梔子 叁錢。治寒邪加肉桂 貳錢。

(丁) 中心卒痛。手不可按者。乃火邪犯心也。若不急救其火。則臟腑內焚。急以瀉火定痛湯救之。

梔子 叁錢 白芍 伍錢 甘草 壹錢 天花粉 貳錢

良薑 叁分 蒼朮 壹錢 貫眾 壹錢 水煎服。

又方。心痛而呼號口渴者。乃火痛也。方用

貫眾

叁錢

甘草

伍分

白芍

叁錢

炒梔子

叁錢

製乳香末

貳錢

水煎服。一劑痛止。神效。

(戊)真心痛。忽然心痛暴亡。其痛不在胃脘之間。亦

不在兩脅之處。恰在心窩之中。如蟲內咬。如蛇

內鑽。不能飲食。手足冰冷。面目青紅。乃真心痛

也。法在不救。然用藥得宜。亦可死裏求生。此證

有寒邪犯心。火邪犯心之別。證狀治法。於左。

一寒邪犯心者。其舌必滑。方用消冰散。

人蔘

叁錢

白朮

伍錢

肉桂

壹錢

附子

壹錢

甘草 壹錢 白芍 叁錢 熟地 壹兩 山茱萸 肆錢

良薑 壹錢 水煎急灌之。藥能入腹。可望復生。

一、大邪犯心者。其舌必燥。方用自焚急救湯。

炒梔子 伍錢 白芍 伍錢 水煎急灌之。可望瘡。

(四) 治水腫脹方 忌食鹽醬一百廿天。永不再發。

用舊白馬尾篩麩羅底茶筒。陰陽瓦上焙焦。研

細末。陳黃酒沖服。輕者三服。重者七服。神效。

又方。猪尿胞 壹箇 高梁酒 陸兩 生大黃 叁錢 膽礬 叁錢

右大黃膽礬共研末。連酒同裝胞內。用線紮口。

綿帶繫懸項下。將胞置於富臍。用布縛住。五晝

夜一換。輕者三個。重者七個。全消。

又方。大蒜頭煎服。連服數次後。即泄瀉。漸服漸瀉。至瀉空腹消為止。極效。忌食鹽百日。以免復發。

又方。鮮扁蓄草。濃煎一大碗。時時飲之。約半日許。其水即由小便下泄。腹寬舒。肢腫消。而瘡。

又方。巴豆肆錢。硫黃壹錢。共研末。加小麥粉叁錢。用

水少許。和勻作餅。以新棉花薄鋪肚臍上。將藥餅覆其上。外以布縛之。使患者在室中緩步行一小時。水由大便泄下。日行數次。其脹自消。

〔高〕治氣脹方

陳葫蘆茶筒。連子燒灰存性。陳黃酒沖服。即瘡。
又方。黑豆壹升。清水浸透。風中吹乾。另用白礬貳兩。
泡水一碗。和黑豆同煮。至礬水收乾為度。日常
食之。極效。

又方。老絲瓜壹箇。去子。煨灰存性。陳黃酒沖服。亦效。
(二五)治一切腫脹方

秋後老西瓜一個。切去頂蓋。將中間挖空。裝入
陽春砂仁肆兩。大蒜頭壹大碗。去皮仍將切下
之蓋蓋上。用釘釘牢。塗滿黃泥。以礬糠即大末
火煨三日。成炭。去泥。研細。每服壹錢。空心開水

送下。無論何種臟症。連服叁次。無不立瘳。

(二四六)怔忡證治

(甲)心跳不安。夜不能寐。乃心血少也。方用安寐丹。

人參 叁錢 丹參 貳錢 麥冬 叁錢 生棗仁 伍錢

甘草 壹錢 茯神 叁錢 菖蒲 壹錢 熟棗仁 伍錢

當歸 叁錢 五味子 壹錢 水煎服。

(乙)心神恍惚。驚悸不已。乃肝腎虛而心氣弱。方用

人參 壹兩 白朮 伍錢 白芍 壹兩 生棗仁 伍錢

熟地 壹兩 玄參 壹兩 麥冬 伍錢 白芥子 叁錢

(丙)心驚不安。夜卧不寐。乃腎病也。蓋驚恐乃腎氣

不入於心。不寐。乃心氣不歸於腎也。方用

人參 叁兩

茯苓 叁兩

茯神 叁兩

生棗仁 壹兩

熟地 叁兩

當歸 叁兩

菖蒲 叁錢

山茱萸 叁兩

遠志 壹兩

黃連 伍錢

麥冬 叁兩

肉桂心 伍錢

砂仁 伍錢

白芍 叁兩

白芥子 壹兩

右各研細。合勻。蜜丸。每日或酒或湯送下伍錢。

(二)腹痛驗方。不論寒熱肚痛。百藥無效者。一劑即瘳。

全當歸

肆錢先煎

大黃

貳錢後下

水煎服。微瀉。即瘳。

(三)絞腸腹痛方

腹痛之最急者。絞腸痧也。心腹絞絞。或如板鞭

或如繩轉。或如筋吊。或如錐觸。或如刀割。痛極難忍。輕者亦微微絞痛。服悶非常。或兼腹瀉。或吐痰涎。危急之證也。方用

馬糞

壹兩
炒黑

再入淨黃土

壹撮
微炒

右用伍錢。以黃酒乘熱服之。一劑即瘳。神效。

又方。此證試以銅錢一枚。入口立碎。如嚼菜蔬。即以嚼碎之銅錢。加虎耳草葉叁筒。煎水飲之。即瘳。

(二) 腹痛證治

按腹痛有因火寒。蟲氣及傷食停滯而痛。病情複雜。方藥亦多。不及備載。茲擇其病勢危急而

難識難治者數方。分錄於左。尚待醫者辨之。

(甲)腹痛不能忍。按之愈痛。口渴飲冷水則痛止。少頃依然大痛。乃火結在大小腸也。若不急治。則一時氣絕矣。方用定痛至神湯。

炒梔子叁錢 甘草壹錢 茯苓壹兩 白芍伍錢

蒼朮叁錢 大黃壹錢 厚朴壹錢 水煎服。

(乙)腹痛難忍。手按之更甚。乃火痛也。方用導火湯。

玄參壹兩 生地伍錢 甘草壹錢 車前子叁錢
布包

澤瀉貳錢 水煎服。二劑盡瘡。按經加味尤妙。

多汗而渴。口臭者。胃火也。加生石膏。

其痛來去無定處者。脾火也。加知母。

大便閉結。肛門乾燥而後重。大腸火也。加地榆。
小便閉澀如淋者。小腸火也。加黃連。

小便閉澀而若急者。膀胱火也。加飛滑石。

陽舉。口不渴而面赤。水竅澀痛。腎火也。加黃柏。

(丙) 一時小腹冷痛欲死。四肢厥冷。手足皆青。乃寒邪直入腎經。即所謂直中陰寒之證也。此至危至急之時。用藥不可稍緩。方用救痛至聖丹。

人參 叁錢

白朮 伍錢

熟地 伍錢

肉桂 心壹錢

附子 壹錢

乾薑 伍分

吳茱萸 伍分

水煎服。

又方。名逐寒回陽湯。 人參伍錢 肉桂心壹錢

白朮壹兩 附子壹錢 乾薑伍分 水煎服。

(二五)止嗽散治一切咳嗽

桔梗肆兩炒 荆芥肆兩炒 紫苑肆兩 飯鍋內蒸一次炒

百部肆兩 飯鍋內蒸一次炒 白前肆兩 飯鍋內蒸一次炒

陳皮貳兩 甘草肆錢

右共為末。未湯為丸。如棗豆大。臨睡時。開水送服叁錢。因寒咳嗽。用薑湯下。

(二五)陳氏咳喘膏 治多年咳嗽氣喘。貼之去病除根。

川烏陸錢 官桂捌錢 當歸陸錢 木鱉子捌錢

白芷 捌錢
白芨 陸錢
連翹 捌錢
茯苓 陸錢

赤芍 捌錢
草烏 陸錢
白薇 捌錢
牙皂 伍錢

烏藥 陸錢
桃枝 伍錢
桑枝 伍錢
槐枝 各伍錢
柳枝 各伍錢

右藥用麻油叁斤。浸一夜。熬焦去渣。入飛黃丹壹斤。(如麥色)急以柳桃棍二根攪至滴水成珠。入乳香沒藥末各肆錢。收膏。

用時膏藥貼於背脊骨。由上往下數。第三骨節。入伏之日起。用膏藥一張。貼滿三伏。再於冬至日起。用膏藥一張。貼盡九九。多年咳。救除根。

(五)久咳不已方

傷風已瘳。肺氣未清。時復嗆嗽出痰。痰稠如膠。痰色黃或微黃。舌胎帶黃色。此肺氣燥也。若不急治。燥極成火而鑠金。必變成肺痿肺癰等症。然寒涼之藥不可用。以免寒胃。用清肺益氣湯。

玄參 叁錢 麥冬 伍錢 桔梗 壹錢 天門冬 壹錢

甘草 壹錢 紫苑 壹錢 蘇子 壹錢 欵冬花 壹錢

川貝母 壹錢 水煎服。

又方。久咳不瘳。口吐白沫。氣帶血腥。乃肺氣燥也。法宜肺腎同治。以免變症。方用子母兩富湯。

熟地 貳兩 麥冬 貳兩 水煎服。四劑即瘳。